

OSLOBODENJE

Objavljeno: 05.01. 2013.

Rudnik Uglja Gračanica



RUDARI ISKOPALI 281.744 TONE UGLJA

Zaključno s novembrom 2012. rudari Rudnika uglja Gračanica iz Gornjeg Vakufa/Uskoplja proizveli su 281.744 tone uglja i tako mjesec prije isteka kalendarske godine prebacili godišnji plan od 240.000 tona uglja, potvrđeno je za Fenu u ovom preduzeću.

Prebačaj plana od 22,03 posto zabilježen je i u segmentu otkrivke, koja je u prošloj godini realizirana s 1.145.832 kubna metra.

Korisnicima široke potrošnje isporučene su 16.534 tona uglja, JP Elektroprivreda BiH 203.614 tona, TE Kakanj 184.567 tona, TE Tuzla 19.047 tona, dok je firmi Natron iz Maglaja isporučeno 40.348 tona uglja.

Rudnik uglja Gračanica od decembra 2009. djeluje u sastavu Koncerna Elektroprivrede BiH, skupa sa još šest rudnika iz Federacije BiH.

NEZAVISNE novine

Objavljeno: 15.01.2013.

ZENICI TREBA BOLJE GRIJANJE



ZENICA - Česti kvarovi na kotlovskim postrojenjima i visoka cijena neki su od razloga zbog čega se u Zenici već godinama traži adekvatno rješenja problema grijanja stambenih i poslovnih objekata. Kvar zbog kojeg je oko 20.000 domaćinstava od subote bez grijanja ponovo je aktualizirao dilemu: grijanje toplinskom energijom iz Termoelektrane Kakanj ili gradnja kombinovane plinske toplane - elektrane, za čiju je gradnju ugovor sa inostranim partnerima potpisan 2011. godine.

"Elektroprivreda BiH" je početkom ljeta opštini Zenica dostavila "Studiju o opravdanosti snabdijevanja grada toplotnom energijom iz Termoelektrane Kakanj", po kojoj je to znatno jeftinije, jednostavnije i učinkovitije.

"Prodajna cijena toplotne energije iznosila bi 18,92 eura po MWh, što je povoljnije od sadašnje cijene po kojoj se Zenica snabdijeva toplotnom energijom. Plan EP BiH je da toplotnu energiju dobija iz postojećeg procesa proizvodnje struje. Čak i ako potrebe za grijanjem budu veće, s više uglja, dobija se dvostruka prednost, jer se, osim toplotne, dobija i više električne energije", kaže Hasan Čaušević, direktor TE Kakanj. Ukupna investicija za predloženo rješenje "Elektroprivrede BiH" je 73.131.838 eura, a ova studija javnu promociju će doživjeti sutra u sjedištu Vlade ZDK.

Husejin Smajlović, načelnik opštine Zenica, koji je prije pet godina pokrenuo rješavanje ovog problema i koji je zagovornik gradnje plinske toplane - elektrane vrijedne 250 miliona eura, koja bi upošljavala veći broj radnika, te osim grijanja grada pružala i mogućnost komercijalne prodaje električne energije, kaže kako nema ništa protiv razgovora o alternativnoj ponudi koja podrazumijeva preuzimanje tople pare iz TE Kakanj. "Za Zenicu je veoma važno da ima što više kvalitetnih prijedloga, pri čemu ćemo vidjeti šta se nudi od strane 'Elektroprivrede BiH'. Za projekat izgradnje toplane - elektrane na plin, u krugu bivše željezare, dobijene su skoro sve saglasnosti i dokumenti, a što se tiče zaokruženja finansijske konstrukcije, postoji interes više fondova i iskreno se nadamo da ćemo u proljeće početi gradnju", istakao je Smajlović.

A.MUJKIĆ

Objavljeno: 21.01.2013.

Veliki infrastrukturni projekti ove godine

MILIONSKE INVESTICIJE I POSAO ZA 5.000 RADNIKA

Koridor 5C: Gradnja 55 kilometara autoputa



Velike firme u Bosni i Hercegovini planiraju u ovoj godini velike infrastrukturne projekte i završavaju već započete. Kako saznajemo, "Elektroprivreda BiH" (EPBiH) intenzivirat će realizaciju strateških projekata, dok će "Autoceste FBiH" otvoriti nova gradilišta i nastaviti gradnju autoputa.

Pripremne aktivnosti

Prema našim saznanjima, hidroelektrana "Vranduk", čija će gradnja početi u tekućoj godini, investicija je od 127 miliona maraka, a finansirat će se iz budžeta EPBiH.

- Imamo urbanističku saglasnost, a u toku je rješavanje imovinskopravnih odnosa. Gradnja će početi ove godine, dok je početak proizvodnje planiran za 2017. godinu - istakli su iz EPBiH.

Pored ovog projekta, u toku je fazna realizacija pripremnih aktivnosti za početak gradnje vjetroelektrane "Podveležje". Ova investicija vrijedna je 140 miliona maraka, a s radom treba početi 2015. godine. Još nije izabran konsultant, a u pripremi je i postupak javne nabavke za isporuku glavne opreme.

U ovoj godini početak će i gradnja male hidroelektrane na Neretvici, koja će koštati 97 miliona maraka, a radovi će trajati dvije godine.

Nove dionice

Što se tiče projekata "Autocesta FBiH", u planu je gradnja 55 kilometara autoputa na koridoru 5C, a uskoro počinje i gradnja dodatnih 18 kilometara autoputa.

- Radi se o dionici Svilaj - Odžak, Butila - Vlakovu i Drivuša - Klopče. Ovim ćemo imati u funkciji tri nova gradilišta. Na taj način stvaramo uvjete da konačno prijedemo magični broj od 100 kilometara autoputa do kraja 2014. godine - saopćili su iz "Autocesta FBiH" d.o.o. Mostar.

I "Autoceste FBiH" nastaviti će intenzivirati gradnju autoputa na deset gradilišta, na kojima će biti angažirano više od 5.000 radnika.

Vrijednost investicija

- Hidroelektrana "Vranduk" - 127 miliona KM.
- Vjetroelektrana "Podveležje" - 140 miliona KM.
- Mala hidroelektrana na Neretvici - 97 miliona KM.

"Blok 7" TE Tuzla

Početak radova na Termoelektrani u Tuzli planiran je za početak 2014., a njena finalizacija za 2018. godinu. Kako saznajemo, u toku je izbor projektnog partnera s obzirom na to da će sredstva biti osigurana upravo projektnim partnerstvom. Također, u toku prve godine trebali bi se riješiti i imovinskopravni odnosi i izraditi projekti za pripremne radove.

Vrijednost ovog projekta je 1.499,2 miliona KM.

Objavljeno: 27.1.2013.

EPBiH UVEZUJE RUDNIKE U JEDINSTVEN SAP INFORMACIONI SISTEM



Elektroprivreda BiH namjerava uložiti u rudnike u sastavu koncerna sedam milijuna KM kako bi ih uvezala u jedinstven SAP informacioni sistem. Ova ulaganja trebalo bi da budu provedena u 2013. i 2014. godini.

Potreba za uvođenjem jedinstvenog informacionog sistema na nivou koncerna javila se zbog toga što u rudnicima postoji veliki broj pojedinačnih aplikacija koje su funkcionalne u malim domenima, ali je najveći problem nedostatak njihove uvezanosti.

Osim toga, većina aplikacija je razvijena u različitim alatima i tehnologijama što ima za posljedicu tehničke probleme do kojih bi došlo u vrijeme tehničke integracije rudnika u JP EP BiH. Najveći problem je što trenutno ne postoji aplikacija koja prati proces upravljanja investicionim ciklusom, a upravljanje gotovinom se obavlja ručno. SAP sistem već je implementiran u JP EP BiH, a Uprava je donijela odluku o nabavci dodatnih modula SAP sistema (upravljanje ljudskim resursima i plate). U EP BiH smatraju da je SAP svjetski brendirano rješenje te su ga predložili kao jedinstven poslovno-informacioni sistem na nivou koncerna.

Odluka o dopokapitalizaciji rudnika realizacijom SAP informacionog sistema trebalo bi da bude usvojena na Skupštini dioničara kompanije koja je zakazana za 31. siječnja 2013. godine.


OSLOBODENJE

Objavljeno: 29.01.2013.

ELEKTROPRIVREDA BiH

Proizvodnja struje u hidroelektranama u januaru tri puta veća

U odnosu na prošlogodišnji, izuzetno sušni januar, ove godine je u hidroelektranama, u istom periodu, proizvedeno tri puta više električne energije



Period iz protekle sedmice bio je okarakterisan značajnim povećanjima prirodnih dotoka vode u akumulacije svih hidroelektrana Javnog poduzeća Elektroprivreda BiH.

Saglasno tome povećano je stanje zaliha energije u akumulacijama, ali je i proizvodnja hidroelektrana povećana za oko 37 posto u odnosu na planiranu, potvrđeno je Agenciji Fena u Službi za komunikacije te kompanije.

U odnosu na prošlogodišnji, izuzetno sušni januar, ove godine je u hidroelektranama, u istom periodu, proizvedeno tri puta više električne energije.

Trenutno su se prirodni dotoci stabilizirali, a akumulacije se kroz povećan rad hidroelektrana, dovode u stanja da mogu primiti eventualne nove padavine, odnosno topljenje snijega u slučaju zatopljenja, ističu iz JP Elektroprivrede BiH.

Objavljeno: 21.02.2013.

Okosnica elektroenergetskog sistema BiH

PUŠTEN U RAD REVITALIZIRANI BLOK 6 TE TUZLA



U Termoelektrani Tuzla danas je zvanično pušten u rad revitalizirani Blok 6, snage 215 megavata. Projekt revitalizacije vrijedan 125 miliona maraka, finansiran je sredstvima JP Elektroprivreda BiH. Radni vijek bloka produžen je za narednih 15 godina, a instalisana snaga bloka povećana je za 8 do 10 megavata.

- Ovo je ujedno i najveća investicija Elektroprivrede BiH u prošloj godini. Produžen je radni vijek našeg najvećeg i najznačajnijeg bloka za petnaestak godina, te stvorili sve predušlove koji će raditi na najvećoj posljertnoj investiciji BiH, a to je izgradnja Bloka 7 ove Termoelektrane. Trenutno smo u fazi prikupljanja ponda za izvođače radova, i polovinom godine ćemo znati s kim krećemo u izgradnju - kazao je Elvedin Grabovica, direktor Elektroprivrede BiH.

Blok koji je nakon obnove pušten u rad godišnje proizvede 1.100 gigavat sati električne energije, i jedan je od okosnica elektroenergetskog sistema BiH.

Na svečanosti u Tuzli danas su prisustvovali brojni zvaničnici, među kojima i federalni premijer Nermin Nikšić. Generalni direktor Elektroprivrede Elvedin Grabovica predstavio je i rezultate poslovanja kompanije u 2012. godini, te plan poslovanja za 2013. godinu.

Dobit Elektroprivrede BiH u prošloj godini je iznosila je sedam miliona maraka, dok se u ovoj godini očekuje dodatno povećanje dobiti od tri miliona. Također, osim Bloka 7 trebala bi započeti i izgradnja hidroelektrana Vranduk i Podveležje, te male hidroelektrane na Neretvici.

Objavljeno: 22.02.2013.

JP Elektroprivreda BiH

PROFIT 7,1 MILION KM U 2012.



„Elektroprivreda BiH“. Ukupni prihod 926 miliona KM“

Javno preduzeće „Elektroprivreda BiH“ ostvarilo je u 2012. Poslovnoj godini dobit od 7,1 milion KM, rekao je jučer generalni direktor JP EPBiH Elvedin Grabovica tokom prezentacije poslovnih rezultata kompanije.

Ostvareni ukupni prihod kompanije u protekloj godini iznosi 926 miliona KM. U toku 2012. Proizvedeno je 6,509 GWh električne energije. U rudnike uglja koji su u sastavu Koncerna EPBiH u toku 2012., u procesu dokapitalizacije, uloženo je 75 miliona KM, a u fazi nabavke 65 miliona KM. Tokom 2012. Godine izvršena je nabavka uglja u količini od 6,23 miliona tona.

OSLOBODENJE

Objavljeno: 23.02.2013.

EKONOMIJA

23.02.2013. | PIŠE: **Mirza DAJIĆ**

RUDNIK KAKANJ: OTVORENO NOVO OTKOPNO POLJE ISKOP 322.000 TONA UGLJA ZA 14 MJESECI

Izvršen remont rudarske mehanizacije vrijedan pola miliona maraka



Pripreme trajale pola godine

U jami Seoce rudnika Kakanj počela je eksploatacija uglja u novom otkopnom polju, za koje je izvršen remont rudarske mehanizacije vrijedan oko pola miliona maraka.

Novo otkopno polje u dubinskom ugljenom sloju jame Seoce pripremano je tokom prošle godine i njegoa ukupna dužina je 625 metara. Uz mjesečno napredovanje na eksploataciji uglja od 46 metara,

sa ovog kapaciteta očekuje se sigurna i stabilna proizvodnja uglja u narednih 14 mjeseci. Za to vrijeme, iz ovog otkopnog polja trebaju biti proizvedene 322.000 tona uglja.

Zaštita na radu

"Na vrijeme smo pripremili tehničke i finansijske pretpostavke za otvaranje novog otkopnog polja i remont kompleksne rudarske mehanizacije. Realizacijom ovog projekta u rekordnom vremenu, još jednom su potvrđeni dobra organiziranost i sinhronizavano djelovanje stručnjaka i radnika različitih profila u našem rudniku. Proizvodnja iz novog otkopnog polja treba rezultirati boljim kvalitetom uglja i planiranim ekonomskim efektima", kazao je Mirsad Jašarspahić, direktor kakanjskog ugljenokopa.

Nurfet Alić, izvršni direktor za proizvodnju i održavanje, istakao je kako je najveći značaj u kontinuiranoj i sigurnoj proizvodnji iz podzemne eksploatacije uglja tokom cijele 2013. godine. Sa aspekta zaštite na radu, s obzirom na to da je ugrađen dio nove opreme i kvalitetno urađen remont, može se govoriti i o podizanju stepena sigurnosti rada u širokom čelu.

Početu rada u trećem otkopnom polju u jami Seoce, kako vele iz rudnika Kakanj, prethodili su poslovi demontaže, remonta i montaže kompleksne rudarske mehanizacije. Ovi su poslovi urađeni u pogonima Haljinići i Održavanje. Do potpunog izražaja došli su umješnost i iskustvo radnika i stručnjaka ova dva pogona.

Ušteta

Rudari Haljinića pet dana prije roka montirali su 78 hidrauličnih sekcija, grabuljaste transportere i otkopnu mašinu. Otkopno polje broj tri, gdje će raditi remontovana širokočelna oprema, prema riječima Nermina Begovca, upravnika pogona, pripremano je od juna prošle do januara ove godine. Rudarsku pripremu, otkopavanje, uradili su rudari pogona Haljinići. Pored toga, demontirali su, ponovo montirali i transportovali rudarsku mehanizaciju tešku oko 1.000 tona. Samo jedna hidraulična sekcija teži devet tona.

U pogonu Održavanje izvršen je generalni remont otkopne mašine, remont 200 hidrauličnih nosećih stupaca, te sklopova za grabuljasti i trakasti transporter. Za izradu novih elemenata podgrade utrošeno je oko 25 tona željeza. Vrijednost obavljenog remonta je 450.000 maraka, dok bi to isto na našem tržištu, u režiji nekog trećeg izvođača, koštalo više od milion maraka.

Objavljeno, 22.02. 2013

USPJEŠNA GODINA DOBIT ELEKTROPRIVREDE BIH 7,1 MILIJUN MARAKA



TUZLA – Prema riječima generalnog direktora JP Elektroprivreda BiH (EPBiH), Elvedina Grabovica, ovo je poduzeće u 2012. godini ostvarilo dobit od 7,1 milijun maraka.

Ukupan prihod kompanije u 2012. je iznosio 926 milijuna maraka. Proizvedeno je 6509 GWh električne energije, a svi kupci EPBiH uredno su opskrbljivani električnom energijom.

Kupci će biti još bolje opskrbljivani zbog revitalizacije Bloka 6 u Termoelektrani (TE) “Tuzla”, kojeg su jučer svečano pustili u rad Grabovica i predsjednik Vlade FBiH Nermin Nikšić.

Ulaganje od 390 mil. KM

U rudnike ugljena koji su u sastavu Koncerna EPBiH u procesu dokapitalizacije uloženo je 75 milijuna maraka, a u fazi nabave 65 milijuna maraka. Kako je objasnio Grabovica, intenzivirane su aktivnosti na pripremi izgradnje novih objekata. EPBiH tijekom 2013. planira pokrenuti izgradnju tri elektroenergetska objekta, počevši od HE “Vranduk” i “Ustikolina” te MHE na Neretvici. Planirano je ulaganje od 390 milijuna maraka, a kako je najavljeno, nastavljaju se aktivnosti na modernizaciji i prestrukturiranju EPBiH i rudnika.

Grabovica je govorio o pripremnim aktivnostima za izgradnju Bloka 7 TE “Tuzla” u vrijednosti od 1,646 milijardi maraka. Istaknuo je da je u tijeku izbor projektnog partnera i zatvaranje financijske konstrukcije, eksproprijacija na lokaciji izgradnje, urađeni su izvedbeni projekti za pripremne radove i osiguranje suglasnosti.

Blok 6 pušten u rad

Svečanim presijecanjem vrpce Nikšić i Grabovica su jučer pustili u rad revitalizirani Blok 6 u TE "Tuzla". Blok 6 je snage 215 megavata, a za njegovu revitalizaciju je Elektroprivreda BiH izdvojila 125 milijuna maraka vlastitih sredstava. Kako objašnjavaju iz ovog javnog poduzeća, godišnja proizvodnja Bloka 6 iznosi 1.100 GWh, a ova će količina omogućiti pouzdanu i kvalitetnu opskrbu kupaca električnom energijom, a rudnicima plasman ugljena. Revitalizacijom je radni vijek Bloka 6 produžen za dodatnih petnaest godina.

Nikšić je ovom prilikom kazao da je ovaj projekt značajan, kao i drugi od EPBiH jer doprinose zapošljavanju domaće operative kao i razvoju gospodarstva i FBiH.

- Angažmanom domaćih kompanija i kapaciteta EPBiH pokazali smo da smo spremni za ovako velike projekte, kazao je Grabovica.

Ministar energetike, rudarstva i industrije, Erdal Trhulj, istaknuo je važnost revitalizacije Bloka 6, buduće izgradnje Bloka 7 i ostalih projekata u elektroenergetskom sektoru za razvoj rudarstva i industrije u FBiH.

Piše: M. Šagolj

Objavljeno: 04.03.2013.

Iskopali 49.203 tone uglja

RUDARI RUDNIKA MRAMOR OSTVARILI REKORDNU PROIZVODNJU



Rudari Rudnika „Mramor“ Zavisnog društva Rudnika "Kreka" Tuzla u mjesecu februaru ostvarili su rekordnu proizvodnju iskopavši 49.203 tone uglja, prebacivši tako mjesečni plan proizvodnje.

Da će februar ostati zabilježen po rekordnim podacima u Mramoru govori i činjenica da su komorati ovog rudnika zadnji dan mjeseca februara ostvarili rekordnu dnevnu proizvodnju iskopavši 2.623 tone uglja, što predstavlja ostvarenje od 100,2 posto planirane dnevne proizvodnje.

Komoratima Mramora iskrene čestitke za izvanredne proizvodne rezultate uputio je predsjednik Sindikalne organizacije Rudnika „Kreka“ Fikret Mehić, saopćeno je iz JP Elektroprivreda BiH - Zavisnog društva Rudnici "Kreka" Tuzla.

Objavljeno: 05.03.2013. Autor: A. Du.

Federalni premijer Nermin Nikšić odbacio špekulacije

NEMA NIŠTA OD PRODAJE DIJELA KAPITALA BH TELECOMA I ELEKTROPRIVREDE BIH



Federalni premijer Nermin Nikšić odbacio je u izjavi za "Dnevni avaz" špekulacije pojedinih medija o tome da Vlada FBiH otvara priču o privatizaciji "BH Telecoma" i "Elektroprivrede BiH". Zbog činjenice da je Vlada FBiH u tehničkom mandatu, te da ne može donositi odluke u punom kapacitetu, Nikšić je naglasio da trenutno nema ništa od prodaje dijela kapitala

ove dvije bh. kompanije, koje su u 90-postotnom vlasništvu Federacije.

- Ideja o privatizaciji maksimalno deset posto dionica "BH Telecoma" i dvije elektroprivrede, samo je jedan od prijedloga koji se već duže vremena analizira unutar Agencije za privatizaciju FBiH. O ovome se Vlada FBiH nije izjašnjavala i sigurno je da u trenutnim okolnostima to nisu odluke koje bi Vlada mogla donositi – kazao je federalni premijer.

Objavljeno: 09.03.2013. Autor: M. Aš.

Direktor "Elektroprivrede BiH" za "Avaz"

GRABOVICA O BLOKU 7: IZBOR PARTNERA IDE PO PLANU



Generalni direktor "Elektroprivrede BiH" Elvedin Grabovica rekao je jučer za "Dnevni avaz" da bi projektni partner za izgradnju Bloka 7 Termoelektrane Tuzla mogao biti poznat u maju ili junu ove godine.

Podsjećamo, u novembru prošle godine u pretkvalifikacijskom postupku "Elektroprivreda BiH" izabrala je 11 velikih svjetskih kompanija koje su zadovoljile postavljene kriterije potrebne za izgradnju najveće poslijeratne investicije vrijedne 1,5 milijardi KM.


- Još prikupljamo podatke i razmjenjujemo informacije. Riječ je o velikom projektu i ništa ne želimo prepustiti slučaju. S tim da se druga faza postupka očekuje u aprilu, kada ćemo i napraviti short listu najozbiljnijih ponuđača. Naravno, sve zavisi i od toga hoće li biti žalbi. Za sada, kako stvari stoje, sve ide planiranim tokom. Pojavile su se priče da strateški partneri insistiraju na većinskom vlasništvu u Bloku 7 TE, ali to su neistine - rekao je Grabovica.

Inače, izgradnja Bloka 7 planirana je 2014., da bi objekt počeo s radom već 2018. godine.

Objavljeno: 10.03.2013.

Planirana nabavka savremene opreme

ELEKTROPRIVREDA BIH ULAŽE 32 MILIONA KM U RUDNIK BREZA



"Elektroprivreda BiH" planira uložiti skoro 32 miliona maraka u Rudnik mrkog uglja (RMU) "Breza" u periodu do 2014. godine, izjavio je za Fenu generalni direktor tog rudnika Suad Ćosić.

Najveći obim investicionih ulaganja odnosi se na nabavku širokočelne opreme, odnosno opreme uz pomoć koje

se dobiva uglj - otkopni kombajn, samohodna hidraulična podgrada, transportni sistemi i drugo - i to u vrijednosti od skoro 21 milion KM.

- Nakon što je završen pregovarački postupak, izabran je najpovoljniji ponuđač i preostalo je da se potpiše ugovor kako bismo najkasnije do juna 2014. dobili širokočelnu opremu, što bi nam dalo novih 250.000 tona proizvodnje uglja - istakao je Ćosić. To bi, ujedno, svrstalo ovaj rudnik u nivo najbolje opremljenih u Federaciji BiH, s najvećom jamskom proizvodnjom u regiji. Ćosić je istakao da je posljednje ulaganje bilo 1982. godine i da su tada nabavljeni hidraulična podgrada i kombajn, koji još rade.

Uvjeti rada su, prema njegovim riječima, teški i komplicirani pa se dešavaju lakše i teže povrede radnika. S novom opremom, kako je naglasio, sigurnost bi bila na daleko višem nivou za sve zaposlene na otkopnim radilištima.

Premašen plan

Ćosić je naglasio da su prošlu godinu završili s najboljom poslijeratnom proizvodnjom, jer su premašili plan za pet posto, povećali prihode i smanjili troškove, što je rezultiralo dobrim poslovnim rezultatom. U Rudniku mrkog uglja "Breza" zaposleno je 1.250 radnika, a od toga je za poslove u rudarskoj jami direktno vezano skoro 1.100 radnika.

Objavljeno: 18.03.2013.

Okončani pregovori sa Evropskom bankom za obnovu i razvoj ZA HIDROELEKTRANE KREDIT OD 35 MILIONA EURA



Delegacija "Elektroprivrede BiH" u Londonu je uspješno okončala pregovore sa Evropskom bankom za obnovu i razvoj /EBRD/ o finansiranju izgradnje Hidroelektrane /HE/ "Vranduk" na rijeci Bosni i proširenju kapaciteta Hidroelektrane "Una – Kostela" na rijeci Uni, za šta je ovoj kompaniji odobren kredit od 35 miliona eura, po veoma povoljnim uslovima.

Od odobrenog iznosa, za izgradnju HE "Vranduk" planirano je 26 miliona evra, dok je za HE "Una - Kostela" planirano devet miliona evra.

Sredstva namijenjena za izgradnju objekata biće operativna nakon završetka propisanih procedura, saopšteno je iz "Elektroprivrede BiH".

Radi dugoročnog snabdijevanja potrošača električnom energijom, Vlada Federacije BiH donijela je odluku kojom je utvrđen javni interes za izgradnju više elektroenergetskih objekata, među kojima je izgradnja HE "Vranduk" - prvi prioritet.

Izgradnja HE "Vranduk" i "Una – Kostela" doprinijeće ukupnom smanjenju emisije ugljen-dioksida i ostalih zagađujućih materija, poboljšati ukupan odnos energije proizvedene u hidro i termoelektranama "Elektroprivrede BiH", te doprinijeti ekonomskom i privrednom razvoju Federacije BiH.

Objavljeno: 19.03.2013. Autor: M. AŠČIĆ

Evropska razvojna banka kreditira projekt „Vranduk“

ODOBRENO 35 MILIONA EURA ZA HIDROELEKTRANE



Evropska banka za obnovu i razvoj (EBRD) odobrila je jučer državnoj kompaniji "Elektroprivreda BiH" kredit u iznosu od 35 miliona eura, potvrdio je za "Dnevni avaz" Elvedin Grabovica, generalni direktor EPBiH koji je predvodio delegaciju ove firme na pregovorima u Londonu.

Proširenje kapaciteta

Grabovica je naglasio da će odobreni kredit isključivo biti namijenjen za finansiranje izgradnje Hidroelektrane "Vranduk" na rijeci Bosni i proširenju kapaciteta Hidroelektrane "Una - Kostela" na rijeci Uni.

- Ovo je veliki korak za "Elektroprivredu BiH", jer smo uspješno okončali pregovore s EBRD-om i dobili po vrlo povoljnim uvjetima 35 miliona eura. Ovo je samo nastavak naših aktivnosti na izgradnji najznačajnijih projekata iz obnovljivih izvora energije - rekao je Grabovica.

Od odobrenog iznosa u vrijednosti od 35 miliona eura za izgradnju HE "Vranduk" planirana su sredstva od 26 miliona eura, dok je za HE "Una - Kostela" planiran iznos od devet miliona eura.

- Sredstva namijenjena za izgradnju ovih objekata bit će operativna nakon završetka propisanih procedura. Naravno, to podrazumijeva da Vlada FBiH i Parlament FBiH potvrde odluku o kreditnom zaduženju EPBiH. No, vjerujem da tu neće biti nikakvih problema te da će sredstva vrlo brzo biti operativna. Mislim da je ovo odličan kreditni aranžman kako za EPBiH tako i za i FBiH - rekao je Grabovica.

Veliki posao

On je pojasnio da je ovo prvi kreditni aranžman ove vrste i odnosi se na kapitalna ulaganja.

- Uspjeh je s tim veći što je kamatna stopa na odobreni kredit itekako povoljna za nas, a iznosit će svega tri posto. Sretni smo jer smo okončali veliki posao. Nije jednostavno da

vam neko odobri toliki iznos - potcrtao je Grabovica. Podsjećamo, kadrovi SBiH predvođeni Harisom Silajdžićem i bivšim premijerom FBiH Mustafom Mujezinovićem (SDA) uoči izbora 2010. godine pokušali su javnosti zamazati oči otvorivši radove na izgradnji, iako je novac za elektranu osiguran tek jučer, skoro tri godine od njihove predizborne predstave.

Snabdijevanje strujom

U cilju dugoročnog snabdijevanja potrošača električnom energijom, Vlada FBiH donijela je odluku kojom je utvrđen javni interes za izgradnju više elektroenergetskih objekata, među kojima je izgradnja HE "Vranduk" - prioritet.

- HE "Vranduk" locirana je na rijeci Bosni, instaliranog kapaciteta skoro 20 megavata, s prosječnom godišnjom proizvodnjom električne energije od 95 gigavat-sati - tvrde iz EPBiH.

OSLOBODENJE

Objavljeno: 09.03.2013.

RMU Breza

INVESTICIONIM ULAGANJIMA DO VEĆE PROIZVODNJE I KVALITATNIJE ZAŠTITE NA RADU

Najveći obim investicionih ulaganja odnosi se na nabavku širokočelne opreme, odnosno opreme pomoću koje se dobija ugalj (otkopni kombajn, samohodna hidraulična podgrada, transportni sistemi i dr.) i to je u vrijednosti oko 21 milion KM



Investiciona ulaganja u Rudnik mrkog uglja (RMU) "Breza" definisana su s dvije investicione odluke vladajućeg društva Elektroprivrede BiH koja je tim odlukama planirala uložiti oko 32 miliona maraka u brezanski rudnik, a definisani period je do 2014. godine - izjavio je za Fenu generalni direktor tog rudnika Suad Čosić.

Najveći obim investicionih ulaganja odnosi se na nabavku širokočelne opreme, odnosno opreme pomoću koje se dobija ugalj (otkopni kombajn, samohodna hidraulična podgrada, transportni sistemi i dr.) i to je u vrijednosti oko 21 milion KM.

-Nakon što je završen pregovarački postupak, izabran je najpovoljniji ponuđač i preostalo je da se potpiše ugovor da bismo najkasnije do juna 2014. dobili širokočelnu opremu što bi nam dalo novih 250 hiljada tona proizvodnje uglja - istakao je Čosić.

To bi ujedno rudnik "Breza", po njegovim riječima, svrstalo u nivo najbolje opremljenih

rudnika u Federaciji BiH, s najvećom jamskom proizvodnjom u regiji.

Čosić je istakao da je posljednje ulaganje bilo 1982. godine i da je tada nabavljena hidraulična podgrada i kombajn koji još rade. Uvjeti rada su, po njegovim riječima, teški i komplikovani i dešavaju se lakše i teže povrede radnika. S novom opremom, kako je naglasio, sigurnost bi bila na daleko većem nivou za sve zaposlene na otkopnim radilištima.

- U prva dva mjeseca smo, kao i prošle godine, pozitivno poslovali i taj trend namjeravamo zadržati. S ovom godinom pravimo iskorak kad je u pitanju planirana proizvodnja na pola miliona tona iz rudnika "Breza" - istakao je Čosić.

Naglasio je da su prošlu godinu završili najboljom poslijeratnom proizvodnjom kada su prebacili plan za pet posto, povećali prihode, smanjili troškove, što je rezultiralo dobrim poslovnim rezultatom.

U RMU "Breza" je uposleno 1.250 radnika, a od toga je direktno vezano za poslove u rudarskoj jami oko 1.100 radnika.

Objavljeno: 22.03. 2013.

BH.SPORTSKIM SAVEZIMA 400 TISUĆA MARAKA OD ELEKTROPRIVREDE BIH



SARAJEVO – Nogometni, Košarkaški, Rukometni i Savez sjedeće odbojke BiH dobili su ukupno 400 tisuća maraka kao poticaj za promociju vrhunskog sporta u našoj zemlji od Javnog poduzeća Elektroprivrede BiH (EP BiH).

Elvedin Grabovica, generalni direktor EP BiH i Edin Mujagić, izvršni direktor za ekonomske poslove, jučer su u Sarajevu potpisali ugovore s predstavnicima spomenutih saveza pa će, konkretnije, po spomenutom ugovoru Nogometnom savezu biti dodijeljeno 200, Košarkaškom 100 te Rukometnom i Savezu sjedeće odbojke po 50 tisuća maraka.

Društveno odgovorna kompanija

Kao društveno odgovorna kompanija, zahvaljujući ostvarenoj dobiti od 7,1 milijun maraka u prošloj godini i na osnovi ranijih prijedloga Vlade FBiH, Elektroprivreda BiH je, kako je podvukao Grabovica, donijela odluku o izdvajanju finansijskih sredstava za te namjene, iako je bilo drugačijih prijedloga.

- Bilo je prijedloga da ovi ugovori budu potpisani tek nakon što nogometna reprezentacija BiH ostvari pobjedu nad Grcima, kao stimulans. Nermin Nikšić, premijer Vlade FBiH i

izbornik Safet Sušić i ja smo odlučili da za tim nema potrebe jer smo sigurni u pobjedu, kazao je jučer Grabovica.

Premijer Nikšić, koji je jučer nazočio ceremoniji potpisivanja, naglasio je da Vlada FBiH iz budžeta ne može podmiriti sve potrebe sportskih saveza, zbog čega je uputio pismo javnim poduzećima u kojem ih je pozvao da financijski podrže ova četiri saveza.

On je naglasio da je svima jasno da su ovi savezi i njihove reprezentacije najbolji veleposlanici naše zemlje u svijetu te izrazio nadu da ovaj potez neće dodatno opteretiti nogometne reprezentativce uoči današnje utakmice.

Izbornik Nogometne reprezentacije Safet Sušić, predsjednici i generalni tajnici saveza koji su potpisali ugovore, zahvalili su na novčanim sredstvima i istakli da su sredstva značajan poticaj reprezentacijama u ostvarivanju novih pobjeda i predstavljanja države BiH u što boljem svjetlu. Stoga su premijeru Nikšiću i direktoru EP BiH Grabovici, kao znak pažnje, poklonili dresove svojih reprezentacija.

Podrška sjedećoj odbojci

Prilikom obraćanja novinarima Grabovica je naglasio kako mu je posebno drago što je ugovor potpisan sa Savezom sjedeće odbojke BiH, jer su upravo oni najtrofejniji te da je, igrom slučaja, doznao kako je Elektroprivreda BiH ujedno i najveći sponzor ovog saveza iako je odvojeno ukupno 50 tisuća maraka.

- Drago mi je da i ovaj put nisu bili zaobiđeni, tvrdi generalni direktor EP BiH koji je ovim putem pozvao sve kompanije koje pozitivno posluju da i one, između ostalih, pomognu ovom savezu, jer bivaju često izostavljeni zbog "popularnih sportova".

Piše: **H.I.**

Objavljeno: 21.03.2013. Piše: Zorica Dragović

STRUJA POPRAVILA IZVOZNI BILANS



SARAJEVO - Iako spoljnotrgovinski deficit BiH za prva dva mjeseca ove godine bilježi dubiozu tešku 895 miliona KM, trgovinska razmjena sa inostranstvom je u tom periodu zabilježila trend značajnog rasta.

Naime, BiH je u prva dva mjeseca izvezla 1,253 milijarde KM, što je za 15,7 odsto više nego za prva dva mjeseca lani, a u istom vremenu je uvezla robu u vrijednosti od 2,148 milijardi KM, što je za 10,8 odsto više nego u istom periodu prošle godine. U ovom vremenu pokrivenost uvoza izvozom iznosila je 58,3 odsto, podaci su Agencije za statistiku BiH.

Najveći doprinos u popravljanju izvozne slike u prva dva mjeseca imao je značajan rast izvoza električne energije od 308,9 odsto, dok je njen uvoz u istom vremenu pao za 46 odsto.

Razlog za ovoliku razliku je taj što su prošle godine vremenske nepogode u februaru gotovo u potpunosti blokirale energetske kapacitete BiH, te izvoza u tom mjesecu nije ni bilo.

BiH je u prva dva mjeseca izvezla 1,253 milijarde KM, što je za 15,7 odsto više nego za prva dva mjeseca lani

Igor Gavran, ekonomski stručnjak Spoljnotrgovinske komore BiH, kaže da je izvoz struje očekivano znatno veći, jer je elektroprivreda prošle godine bilježila ekstremno nisku proizvodnju.

Podaci Agencije za statistiku BiH ukazali su na to da je osnažio i izvozni trend prema zemljama članicama CEFTA i u EU.

Izvoz robe iz BiH u zemlje CEFTA je u januaru i februaru iznosio je 330 miliona KM, što je za 15 odsto više nego u istom periodu 2012. godine, dok je uvoz rastao za 2,8 odsto i bio 443 miliona KM.

Izvoz u zemlje EU je u prva dva mjeseca iznosio je 769 miliona KM, što je za 10,7 odsto više nego u istom periodu prošle godine, dok je uvoz iznosio 1,011 milijardi KM, što je za 9,3 odsto više nego u istom periodu prethodne godine.

Tokom prva dva mjeseca BiH je najviše izvozila u Njemačku (214,6 miliona KM), Hrvatsku (182,9 miliona KM) i Italiju, a uvozila iz Rusije (280,64 miliona KM), Njemačke (233,19 miliona KM) i Hrvatske (250,30 miliona KM).


Uvoz i izvoz u značajnim segmentima

	Izvoz	Uvoz
Hrana i žive životinje	+16,4 %	+12,0%
Piće i duvan	+4,6%	+8,0%
Sirove materije (bez goriva)	+6,5%	+6,1%
Mineralna goriva i maziva	+53,9%	+19,0%
Životinjska, biljna ulja i masti	+81,1%	+54,0%
Hemijski proizvodi	+16,7%	+6,0%
Mašine i transportni uređaji	+13,8%	+5,1%

Objavljeno: 04.04.2013.god.

Nepotrebne tenzije

ELEKTROPRIVREDA BiH SPREMNA ZA ISPUŠTANJE VIŠKA VODE IZ HE RAMA



Prirodni dotoci vode na profilima akumulacija kojima upravlja JP Elektroprivreda BiH su u stagnaciji i imaju trend daljeg opadanja.

Režim ispuštanja vode na nizvodnoj HE Salakovac se postepeno smanjuje u skladu sa stagnacijom prirodnih dotoka. Ovakvim režimom ispuštanja stvaraju se preduslovi za prihvatanje novih količina vode koje mogu biti izvjesne u narednom periodu, saopćeno je iz Službe za komunikacije Elektroprivrede BiH.

JP Elektroprivreda BiH provodi aktivnosti koje podrazumijevaju osiguravanje raspoloživog prostora u akumulacijama kojima upravlja, za prihvatanje i transformaciju i novih količina vode u slučaju ispuštanja viška (preljeva) iz HE Rama, kojom upravlja JP Elektroprivreda HZHB.

Iz Elektroprivrede BiH naglašavaju da eventualno ispuštanje viška vode (preljev) iz akumulacije HE Rama ne bi trebalo da ima takvog utjecaja na nizvodne hidroelektrane da bi se stvarale nepotrebne tenzije.

Informisanje javnosti o eventualnom ispuštanju viška vode (preljev) iz akumulacije HE Rama, mora biti argumentovano s egzaktnim informacijama i uvidom u realno hidrološko stanje u slivu rijeke Neretve. Takve informacije moguće je dobiti samo na meritornim adresama, navodi se u saopćenju JP EPBiH.

Objavljeno: 09.04.2013. 13:18 | Autor: M. AŠČIĆ

Direktor Elvedin Grabovica za "Avaz"

NEMA RAZLOGA ZA POSKUPLJENJE STRUJE



Generalni direktor "Elektroprivrede BiH" Elvedin Grabovica rekao je jučer za "Dnevni avaz" da ne postoje nikakvi razlozi za korekciju cijene električne energije u BiH te zbog toga ova kompanija nema namjeru tražiti poskupljenje struje za svoje korisnike.

Grabovica: Ostvarili planske parametre

Grabovica je ocijenio da o poskupljenu ili eventualnom pojeftinjenju električne energije ipak odlučuje Regulatorna komisija za električnu energiju u FBiH (FERK).

- Svako poskupljenje ili pojeftinjenje prepuštamo FERK-u. Oni o tome donose odluku. No, uvijek se moraju sagledati svi parametri kada se o tome donosi odluka. Za sada EPBiH neće slati zahtjeve korisnicima za povećanje cijena struje jer za takvo nešto, realno, razlozi ne postoje - rekao je Grabovica.

On tvrdi da je razlog tome uspješna poslovna godina.

- "Elektroprivreda BiH" je ostvarila sve svoje planske parametre koje smo definirali za ovu godinu. To je razlog što nema potrebe za poskupljenjem struje. Imamo plan koji je već ispunjen. Sada, hoće li struja pojeftiniti, o tome, također, treba odlučiti FERK. Iskreno, ne vjerujem da će se odlučiti za takvu opciju - priznaje Grabovica.

Kada je u pitanju prodaja viška električne energije, Grabovica je ustvrdio da se još poštuje prošlogodišnji tender.

- Moram odmah reći da nam hidrometeorološka situacija nije išla naruku. U vezi s tim očekujemo pad cijena izvoza električne energije. Uskoro ćemo donijeti odluku o tome koliko ćemo prodati struje jer se tek sada planiraju viškovi za prošlu godinu. Međutim, zbog pada meteoroloških prilika, dobro ćemo razmisliti o tome - rekao je Grabovica.

Sutra sjednica FERK-a

Regulatorna komisija za električnu energiju u Federaciji BiH održat će sutra u Mostaru redovnu sjednicu na kojoj će razmatrati Nacrt odluke o cijeni usluge opskrbe od javnog opskrbljivača "Elektroprivreda BiH".

No, prema riječima Riste Mandrape, direktora FERK-a, riječ je o nacrtu odluke da se ide na smanjenje cijene električne energije samo za velike kupce koji djeluju unutar EPBiH i EPHZHB.

- Ovo je sada samo nacrt, a 19. aprila ćemo donijeti konačnu odluku. Riječ je o evropskim cijenama struje koje je potrebno usaglasiti - rekao je Mandrapa.

OSLOBODENJE

Objavljeno: 25.04.2013.god.

VLADA JAPANA RADI STUDIJU IZVODLJIVOSTI ZA BLOK 7 U TE TUZLA

Vlada Japana odlučila je pokrenuti proces izrade studije izvodljivosti (Feasibility Study) za projekat izgradnje Bloka 7 u TE Tuzla, a izradu studije predložila je kompanija Hitachi Ltd. koju će izvesti vladina agencija JICA (Japanska agencija za međunarodnu saradnju) kako bi utvrdila mogućnost finansiranja projekta u okviru tzv. PSIF šeme (Private Sector Investment Finance Scheme).



Putem PSIF šeme JICA nudi povoljan finansijski aranžman i kreditna sredstva za privatni sektor. U okviru PSIF šeme JICA pruža podršku japanskim privatnim kompanijama koje posluju u zemljama u razvoju kroz obezbjeđivanje zajmova i kapitala.

PSIF šema je usmjerena na postizanje sljedećih ciljeva: ispunjenje milenijumskih razvojnih ciljeva (MDGs) i smanjenje siromaštva; razvoj infrastrukture i podsticanje ekonomskog rasta; ublažavanje efekata globalnog zagrijavanja.

Planirano je da za izgradnju Bloka 7 u TE Tuzla budu primijenjene najmodernije tehnologije kako bi bili zadovoljeni striktni EU standardi u oblasti zaštite životne sredine, saopćeno je danas iz Ambasade Japana u BiH.

Studija izvodljivosti bit će izrađena u skladu s pravilima tenderske procedure za izbor najpovoljnijeg ponuđača/projektnog partnera za zajedničko ulaganje u Projekt izgradnje Bloka 7 u Termoelektrani Tuzla koju je raspisala JP Elektroprivreda BiH d.d.

Dvije japanske kompanije (Hitachi Ltd. i konzorcijum koji predvodi Toshiba Corporation) našle su se na listi kvalifikovanih kandidata/podnosioca prijave na tenderu koji je trenutno u toku.

Povodom pokretanja izrade studije izvodljivosti ambasador Japana u BiH Hideo Yamazaki je kazao da je zaštita životne sredine jedan je od stubova japanske razvojne pomoći (ODA) u Bosni i Hercegovini.

- Nadam se da će napredne tehnologije za zaštitu životne sredine koje mogu ponuditi japanske kompanije doprinijeti održivom razvoju Bosne i Hercegovine i budućoj integraciji zemlje u Evropsku uniju - zaključio je Yamazaki.

Objavljeno: 14.05.2013. | Autor: M. AŠČIĆ

Direktor "Elektroprivrede BiH" za "Avaz" o smjenama direktora rudnika

GRABOVICA OBEĆAVA RUDARIMA VIŠE PLAĆE



Generalni direktor "Elektroprivrede BiH" Elvedin Grabovica rekao je jučer u razgovoru za "Dnevni avaz" da će od poslovnih rezultata rudnika zavisiti i povećanja plaća rudarima koji zaslužuju bolja rukovodstva u pojedinim rudnicima.

Grabovica: Sve zavisi od rezultata

Loši rezultati

Grabovica je istakao da je to jedan od razloga zbog kojih nisu produženi mandati direktorima rudnika "Kreka" i "Kakanj" Rešadu Husagiću i Mirsadu Jašarspahiću. On je naglasio da su oni smijenjeni zbog gubitaka i loših poslovnih rezultata koji iznose desetke miliona KM i koji su nedopustivi.

- Kada smo dobili finansijske rezultate svih rudnika koji posluju u koncernu "Elektroprivrede BiH", odlučili smo se da Husagiću i Jašarspahiću ne produžimo mandate. Rudnik "Kreka" poslovao je s gubitkom od 27 miliona KM, a rudnik "Kakanj" sa 4,5 miliona KM. Oni su najveći gubitaši u koncernu. Njihove smjene su bile neminovne. Već smo raspisali novi konkurs za ta mjesta - rekao je Grabovica.

On je ustvrdio da je plan poslovanja "Elektroprivrede BiH" kada su u pitanju rudnici više nego jasan, a to je da svi do 2014. godine moraju pozitivno poslovati.

- To je naš plan ispod kojeg se moramo držati. "Kreka" i "Kakanj" su najveći gubitaši. "Đurđevik" je poslovao pozitivno, "Gračanica" također. Rudnik "Breza" imao je gubitak od 200.000 KM. No, nisu prekoračili dozvoljeni limit. Svi se moraju držati dogovora da bi se ostvario zacrtani cilj - tvrdi Grabovica.

Objavljeno: 16.05.2013. | Autor: Fena

Potpisan Ugovor o nabavci nove opreme za Rudnik "Breza"

RUDARI BI USKORO MOGLI DOSTIĆI PREDRATNU PROIZVODNJU



U Brezi je danas potisan Ugovor o nabavci novog mehanizovanog širokočelnog kompleksa za RMU "Breza".

Javno preduzeća Elektroprivreda (EP) BiH je za ovu namjenu izdvojilo oko 19,5 miliona KM.

Ugovor o nabavci mehanizovanog širokočelnog kompleksa potpisali su Suad Ćosić, direktor RMU "Breza", i predstavnici kompanije Kopex s.a. iz Poljske Iwona Pisarek, direktorica Odjeljenja za vanjsku trgovinu Kopexa, i Andrzej Meder, član Odbora Kopexa, a ceremoniji su prisustvovali i premijer FBiH Nermin Nikšić i direktor JP Elektroprivreda BiH Elvedin Grabovica.

Nove mašine osigurat će rudarima humaniju i efikasniju proizvodnju. Kapacitet širokog čela je 1.500 tona na dan, a stvorit će preduvjete za veću i jeftiniju proizvodnju uglja iz podzemne eksploatacije u narednih deset godina.

Direktor RMU "Breza" Suad Ćosić istaknuo je da su na ovu opremu čekali 31 godinu.

- Nabavkom nove opreme proizvodnja u rudniku penje se na 750.000 tona uglja i možemo reći da ćemo se vratiti na prijeratnu proizvodnju. Sigurnost rudara na otkopu će biti mnogo veća i eliminirat ćemo povrede na radu. Ova oprema je veoma važna i za grad Brezu, jer poznata je krilatica, ako rudnik dobro radi razvija se i Breza - kazao je Ćosić.

Na realizaciju ovog projekta čekalo se tri godine, ali objektivno na to nije mogla utjecati Elektroprivreda BiH (EPBiH). Čekalo se zbog složenog postupka nabavke, jer je komplikovan Zakon o javnim nabavkama u BiH.

Nabavka nove opreme realizovana je iz programa dokapitalizacije, na osnovu kojeg se Elektroprivreda BiH obavezala da će u sedam rudnika u Koncernu uložiti 204 miliona KM.

Generalni direktor EPBiH Elvedin Grabovica je naglasio da je ovo jedan od najvećih projekata Koncerna, jer se na to čekalo više od 30 godina.

- Kada je riječ o ulaganju u rudnike Elektroprivrede na prvom mjestu nam je čovjek - rudar. Hoćemo da radi sigurno i s najboljom opremom i da za svoj rad bude adekvatno nagrađen. Ulazimo u korporativno upravljanje i EPBiH ne insistira samo na proizvedenim tonama uglja, već insistiramo na ostvarenim finansijskim rezultatima i po tome mjerimo uspješnost rudnika. Planiramo da u rudnik "Breza" uložimo još 12,5 miliona KM - rekao je Grabovica.

Prethodna Uprava EPBiH u svom mandatu uspjela je realizovati u dokapitalizaciji samo 12 miliona KM, a nova Uprava je nakon toga intezivirala dokapitalizaciju i do ovog trenutka taj program je realizovan u iznosu od 95 miliona KM - dodao je Grabovica.

Andrzej Meder je kazao da nije završena saradnja Kopexa s Rudnikom "Breza". Pozvao je sve zainteresovane na najveći sajam mašina za rudarstvo u Katowicama u Poljskoj, gdje će biti prikazana najmodernija oprema u svijetu za rudarstvo.

Federalni premijer Nermin Nikšić je u obraćanju rekao da su "kada pričamo o radnicima, prva asocijacija na radnike rudari".

- Kada dođete u situaciju da investirate u opremu za rudare kojima će se stvoriti bolji uvjeti rada, onda samo možete biti ponosni i čestitati svim ljudima koji su bili u lancu da obezbijede ovakvu opremu. Očekujemo da ova godina bude prava ekspanzija novih investicija ne samo u rudnike već i izgradnju termobloka Hidrocentrale "Vranduk", da počnemo i gradnju vjetroparka i to će doprinijeti boljem životu svih građana BiH - kazao je Nikšić.

Nakon potpisivanja ugovora Nikšić je ušao u jamu Kamenica na dubini od 250 metara i jamu Sretno dubine 380 metara, gdje se uvjerio u kakvim uvjetima rade rudari RMU "Breza".

Planirano je da se premijer obrati radnicima prve i druge smjene, zajedno s generalnim direktorom EPBiH. Na kraju jednodnevne posjete rudniku premijer će, također, položiti cvijeće na spomen-obilježje RMU "Breza".

NEZAVISNE novine

ZA PLAĆANJE RAČUNA ZA STRUJU NIJE POTREBNA LIČNA KARTA



Fena - 01.06.2013

SARAJEVO - Za plaćanje računa za električnu energiju nije potreban nikakav identifikacioni dokument i računi se mogu platiti kako na naplatnim mjestima JP EPBiH, tako i u svim bankama i poslovnicama BH Pošte.

Razlog zbog kojeg zaposlenici Elektroprivrede mogu zamoliti da im se da lična karta na uvid je potpisivanje ugovora s kupcima. Naime, u skladu s članom 89. Opštih uvjeta za isporuku električne energije koje je donio FERK, kupci električne energije su bili u obavezi da do 1. jula 2010. godine potpišu Ugovor o korištenju distributivne mreže i Ugovor o snabdijevanju električnom energijom.

U namjeri da se ubrza proces potpisivanja ugovora, kupcima koji ugovore nisu potpisali ponuđeno je potpisivanje prilikom plaćanja računa za električnu energiju u poslovnicama naplate.

Za njihovo potpisivanje neizostavno je potrebna na uvid lična karta kao identifikacioni dokument. Ugovor o korištenju distributivne mreže i Ugovor o snabdijevanju električnom energijom potpisuju samo vlasnici stambenih objekata, nikako privremeni korisnici.

"Napominjemo da kupci električne energije prilikom potpisivanja ovih ugovora ne podliježu finansijskim izdacima. Ovom prilikom još jednom pozivamo naše kupce da pristupe potpisivanju ugovora i izvršavanju svoje obaveze, ali i ostavrivanju svojih prava, definisanih zakonskim i regulatornim okvirom u BiH", navodi se u saopštenju Elektroprivrede BiH.

Objavljeno: 27.06.2013. | Autor: A. ČORBO-ZEĆO

Elvedin Grabovica na Skupštini "Elektroprivrede BiH"

NEMA PRIVATIZACIJE EPBIH, IDEMO U NOVE PROJEKTE!



Direktor "Elektroprivrede BiH" (EPBiH) Elvedin Grabovica na jučerašnjoj sjednici Skupštine ovog preduzeća potvrdio je pisanje "Avaza" o izboru projektnog partnera za zajedničko ulaganje u gradnju Bloka 7 Termoelektrane Tuzla.

Sa Skupštine: Dobit EPBiH u 2012. iznosila 7,1 milion KM

Grabovica je pojasnio da EPBiH bez kredita sama ne bi mogla finansirati gradnju Bloka 7, ali da ovakva projektna ideja ne znači privatizaciju EPBiH, nego da se radi o novim projektima državne kompanije.

Javni poziv

- Na javni poziv stigle su ponude konzorcija čiji je lider kompanija „Cobra“ iz Španije, a članovi „MVM Ovit“ iz Mađarske, „Toshiba“ iz Japana i „Rafacco“ iz Poljske. Ponude su pristigle i od „Hitachija“ iz Japana te kineskog konzorcija „China Gezhouba Group“, čiji je član i „Guandong Elektric Power Desing Institute“ - kazao je Grabovica.

On je kazao da je predviđeno da izabrani partner može ostvariti vlasnički udio, a i ne mora, ali je dodao da nikako neće biti privatizacije kompanije.

20 miliona KM dobit za prvu polovinu 2013.

- Vlasnički udio, ako do njega i dođe, bit će vremenski ograničen. Vlasništvo projektnog partnera, koje se ograničava na određeni period, isključivo je vezano uz privredno društvo koje je vlasnik nad Blokom 7, a ne nad JP EPBiH, gdje se vlasnička struktura ne mijenja i FBiH ostaje vlasnik 90 posto kapitala kao i do sada - kazao je Grabovica.

Pojasnio je da će, u ovisnosti o predloženom i odabranom modelu, biti definirana i vlasnička struktura privrednog društva, pri čemu EPBiH ne može biti manjinski vlasnik, ali u isto vrijeme može biti predložen model gdje ona može biti većinski ili stopostotni vlasnik. On očekuje da će do kraja godine, "ako ne bude zastoja i opstrukcija", biti okončane sve

neophodne prethodne radnje da bi do tada mogao biti potpisan ugovor.

Također je naglasio da se očekuje dobit od 20 miliona maraka za prvih šest mjeseci 2013. godine.

Poslovanje kompanije

- Konačnu odluku o izboru projektnog partnera donijet će Skupština kao najviši organ Društva u kojem je 90 posto kapitala u vlasništvu FBiH. Zato će organi FBiH potvrditi i model partnerstva na kojem će biti bazirana gradnja Bloka 7 - pojasnio je Grabovica.

Skupština EPBiH odobrila je izvještaj o prošlogodišnjem poslovanju kompanije. Ostvarena dobit kompanije u 2012. iznosila je 7,1 milion KM.

Gezhouba Group

- 42. na listi najvećih na svijetu
- Uključen u projekte gradnje elektrana, brana, cesta...
- Ugovor vrijedan 727,78 miliona dolara potpisao 2010. s "Natural Gas Technologyjem"

Cobra

- Svjetski lider u gradnji industrijskih objekata
- Zapošljava više od 26.000 ljudi u 45 zemalja
- Najveći promet kompanija ostvaruje u SAD-u i Evropi

Hitachi

- Proizvodi širok spektar vodećih građevinskih strojeva
- Najbolje posluje u Aziji, SAD-u i Evropi
- Najvredniji ugovor potpisao s ruskim elektroenergetskim distributivnim mrežama

NEZAVISNE novine

Objavljeno 04.07.2013.

OVO SU NAJBOLJE KOMPANIJE U BOSNI I HERCEGOVINI



Projekt "100 najvećih u privredi" BiH, koji Poslovne novine (izdanje Privredne štampe d.o.o. iz Sarajeva) realizuju već 26 godina, i ove godine okrunjen je dodjelom priznanja vodećim kompanijama u BiH prema ostvarenim rezultatima u 2012. godini. Ceremonija dodjele priznanja najboljim među najboljim održana je danas u poslovnoj zgradi Moje Banke u Sarajevu.

Rang-liste 100 najvećih kompanija u BiH, koje već tradicionalno objavljuju Poslovne novine, ove godine urađene su prema unaprijeđenoj metodologiji. Podaci su obrađeni za sve pravne osobe iz cijele BiH, koje su predale svoje završne račune za 2012. godinu. Kompanije su, kao i do sada, rangirane prema veličini (velike, srednje i male) u četiri kategorije - ukupni prihod, neto dobit, izvoz i investicije.

Specijalno priznanje Poslovnih novina "Srebrni pečat", za ukupne rezultate poslovanja u 2012. godini, koji podrazumijevaju doprinos razvoju bh. privrede i zapošljavanja, kao i doprinos lokalnoj zajednici, ove godine dodijeljen je preduzeću ASA Prevent Group Sarajevo.

Rangiranje velikih preduzeća

Prve tri velike firme prema ukupnom prihodu u 2012. godini su:

1. Optima Grupa d.o.o. Banja Luka 1.300.788.068 KM
2. JP Elektroprivreda BiH d.d. Sarajevo 926.280.807 KM
3. Arcelor Mittal Zenica d.o.o. 723.172.630 KM

Prve tri velike firme prema izvozu u 2012. godini:

1. Aluminijski zavod Mostar d.d. Mostar 440.967.127 KM
2. ArcelorMittal Zenica d.o.o. 430.434.757 KM
3. Optima Grupa d.o.o. Banja Luka 280.509.533 KM

Prve tri velike firme prema neto dobiti u 2012. godini su:

1. BH Telecom d.d. Sarajevo 131.700.576 KM
2. Telekomunikacije Republike Srpske a.d. - B. Luka 109.963.497 KM
(Telekom Srpske a.d. Banja Luka i MTEL a.d. B. Luka)
3. JP Autoceste FBiH d.o.o. Mostar 86.347.115 KM

Prve tri velike firme prema investicijama u 2012. godini su:

1. JP Autoceste FBiH d.o.o. Mostar 291.155.510 KM
2. JP Elektroprivreda BiH d.d. Sarajevo 243.379.397 KM
3. EFT-Rudnik i Termoelektrana Stanari d.o.o. 209.555.760 KM

Rangiranje preduzeća prema konsolidovanim rezultatima poslovanja u 2012.

Prema konsolidovanim rezultatima poslovanja u 2012. prema ukupnom prihodu:

1. Optima Grupa d.o.o. Banja Luka 1.301.788.000 KM
2. JP Elektroprivreda BiH d.d. Sarajevo 955.367.000 KM
3. ArcelorMittal Zenica d.o.o. 723.172.000 KM

Prema konsolidovanim rezultatima poslovanja u 2012. najveći izvoznici u BiH su:

1. Prevent BH d.o.o. Visoko 477.316.000 KM
2. Aluminij d.d. Mostar 440.967.000 KM
3. ArcelorMittal Zenica d.o.o. 430.434.000 KM

Prema konsolidovanim rezultatima poslovanja u 2012. najveći prema neto dobiti su:

1. BH Telecom d.d. Sarajevo 131.700.576 KM
2. Telekomunikacije Republike Srpske a.d. - B. Luka 110.545.854 KM
(Telekom Srpske a.d. Banja Luka i MTEL a.d. B. Luka)
3. JP Autoceste FBiH d.o.o. Mostar 86.347.115 KM

Rangiranje srednjih preduzeća

Na rang-listi srednjih preduzeća prema ukupnom prihodu u 2012. godini prva tri mjesta zauzeli su:

1. Trgovir-Energy d.o.o. Gračanica 45.975.621 KM

2. SGB d.o.o. Banja Luka 42.646.920 KM

3. Henzi Commerce d.o.o. Sarajevo 29.101.444 KM

Prve tri srednje firme prema izvozu u 2012. godini su:

1. Bill Colour Metal d.o.o. Banja Luka 12.109.478 KM

2. Kotex-Derma d.o.o. Tuzla 11.669.973 KM

3. Compact d.o.o. Banja Luka 11.133.886 KM

Prve tri srednje firme prema neto dobiti u 2012. godini su:

1. Magnolija EU d.o.o. Banja Luka 3.464.343 KM

2. Marmrossi d.o.o. Sanski Most 3.280.990 KM

3. Pirnar d.o.o. Bosanski Petrovac 3.248.426 KM

Rangiranje malih preduzeća

Na rang-listi malih preduzeća prema ukupnom prihodu u 2012. godini prva tri mjesta zauzeli su:

1. Dobby d.o.o. Tuzla 7.835.462 KM

2. Makromikro d.o.o. Sarajevo 7.078.631 KM

3. Leading d.o.o. Sarajevo 6.914.958 KM

Prve tri male firme prema izvozu u 2012. godini su:

1. Makromikro d.o.o. Sarajevo 6.379.249 KM

2. Gormi drvo d.o.o. Sarajevo 4.121.074 KM

3. Golden Tours d.o.o. Tuzla 3.891.122 KM

Prve tri male firme prema neto dobiti u 2012. godini su:

1. Optima Power do.o.o. Modriča 1.030.490 KM

2. Romanija-Kop d.o.o. Han Pijesak 815.775 KM

3. Telefongradnja d.o.o. Kalesija 802.306 KM

Urednica Alena Ahmetpahić-Fočo izjavila je kako Poslovne novine realizirajući i ove godine projekt "100 najvećih u privredi" podižu svijest javnosti, privrednika i političara o važnosti stvaranja pozitivnog poslovnog okruženja za dalji razvoj privrede, ali i države BiH.

"Više od 800 kompanija koje su se ove godine našle na našim rang-listama poruka su stranim ulagačima da BiH ima kompanije, resurse i kadrove koji mogu da se nose sa izazovima. Na osnovu završnih računa koje su kompanije predale izračunali smo da je 100 velikih kompanija u BiH ostvarilo ukupan prihod od 19 milijardi KM. U 2012. godini stotinu velikih izvezlo je gotovo četiri milijarde KM, što je polovina ukupnog bh. izvoza, koji, prema statističkim podacima, iznosi blizu 7,9 milijardi KM", istakla je ona.

Iako je iza nas još jedna teška poslovna godina, podaci govore da se ulagalo u privredu BiH. Stotinu velikih kompanija investitora sa ove rang-liste investiralo je blizu dvije milijarde KM u prošloj godini. Najveću neto dobit i dalje ostvaruju javna preduzeća, pa su tako prva tri sa rang-liste ostvarila 328.011.188 KM neto dobiti.

Vodeća djelatnost u BiH i dalje je trgovina, što su pokazale rang-liste srednjih i malih kompanija, koje ove godine sadrže 500 privrednih subjekata.

Urednica je najavila i novi projekt koji se već realizira od početka ove godine pod nazivom "Gradovi/općine i biznis". Cilj je medijska promocija unapređenja poslovnog okruženja.

"Kroz ovaj projekt želimo potencijalnim investitorima ponuditi informacije o 'lakoći' poslovanja, konkurentnosti i ekonomskim slobodama u bh. gradovima. Već sljedeće godine možemo očekivati i proglašenje najboljih gradova/općina u BiH za pokretanje biznisa", rekla je urednica Poslovnih novina.

Priznanja prvima s rang-listi uručili su ministar vanjske trgovine i ekonomskih odnosa BiH Mirko Šarović, direktorica FIPA-e BiH Jelica Grujić, predsjednik Vanjskotrgovinske komore BiH Ahmet Egrlić, federalni ministar razvoja, poduzetništva i obrta Sanjin Halimović, a Srebreći pečat uručila je urednica Poslovnih novina Alena Ahmetpahić-Fočo.

Objavljeno: 19.07.2013.

Elvedin Grabovica, direktor „Elektroprivrede BiH“

PRVIH ŠEST MJESECI OKONČALI SMO SA 22,2 MILIONA KM DOBITI



Povodom završene analize šestomjesečnih rezultata JP „Elektroprivrede BiH“ (EPBiH), direktor ove kompanije Elvedin Grabovica kazao je da konstantan rast dobiti pokazuje pravilno vođenje ove državne kompanije.

Istovremeno, tvrdi da okolnosti nisu išle naruku novoj upravi, koja je zatekla kompaniju u milionskim gubicima.

Dobri rezultati

„Elektroprivreda BiH“ prvih šest mjeseci ove godine okončala je s dobiti od 22,2 miliona KM. Prvi ste čovjek kompanije. Jeste li zadovoljni?

- Dobit od 22,2 miliona KM dobar je poslovni rezultat. Izuzetno je dobar posebno zbog toga jer smo za ovaj period planirali dobit od sedam miliona, a ostvarili daleko veću. Rezultat jeste razlog za zadovoljstvo, ali u isto vrijeme i obaveza da se trend nastavi.

Od gubitnika do vrijednog profita. Kompaniju ste preuzeli sa 16,3 miliona gubitka. Dvije godine kasnije - miliona dobiti. Nadomješteno je gotovo 40 miliona KM. Okolnosti nisu išle u prilog...

- Od svojih prethodnika preuzeli smo gubitak EPBiH od 16,3 miliona KM, gubitke rudnika 88 miliona KM, prijetnje štrajkom rudara, samo 12 miliona KM uloženi u rudnike od planiranih 204 miliona, projekt revitalizacije Bloka 6 u TE „Kakanj“ preuzeli smo u fazi stečaja glavnog ugovarača. U takvoj situaciji, uz prirodne uslove koji nisu pogodovali elektonergetskom sektoru i svjesna djelovanja usmjerena na to da vam onemoguće ili otežaju rad, 2011. godinu završavamo sa 1,5 miliona KM dobiti, 2012. sa 7,1 milion, a šest mjeseci ove godine sa 22,2 miliona KM dobiti.

Gubici na nivou Koncerna sada su upola manji, štrajkova rudara nije bilo, ulaganja u rudnike viša su od 100 miliona KM, desetine miliona je u fazi nabavke, revitalizirali smo ne samo Blok 6 u Kaknju, revitalizirana je i šestica u Tuzli. Bile su to najveće investicije u Federaciji, bez kredita, 220 miliona KM vlastitih sredstva, smanjili smo troškove poslovanja.

Koliko se uspješno može djelovati na više kolosijeka, održavati postojeće kapacitete, ulagati

u rudnike, pripremati se za velike investicijske poduhvate?

- Rezultatima smo pokazali da znamo, da možemo i oni su naš čvrst argument nasuprot svih nastojanja, pritisaka i neistina koje imaju za cilj narušavanje kredibiliteta EPBiH. Potvrdili smo poslovnu ozbiljnost i odgovornost u vođenju EPBiH i Koncerna.

Potreba za gradnjom novih objekata je konstanta. Dokle se stiglo s pripremanjima?

- U toku je evaluacija ponuda koje je na poziv za izbor projektnog partnera za zajedničko ulaganje u Blok 7 dostavilo sedam kompanija, šest ujedinjenih u dva konzorcija i jedna samostalno. Za HE "Vranduk" imamo načelnu građevinsku dozvolu i prve tendere raspisujemo u jesen. Uz sredstva EPBiH, izgradnju će kreditirati EBRD i EIB i potpisivanje ugovora očekujemo u septembru. Početak pripremnih radova planiramo za proljeće 2014. godine.

Sve izvjesniji je i početak gradnje Vjetroparka "Podveležje". Njemačka razvojna banka KfW spremna je za kreditiranje ovog projekta, kao i za kreditiranje HE "Janjići. Izdvojio sam ove, ali napominjem da je Planom poslovanja JP EPBiH u periodu 2013.-2015. predviđen početak izgradnje ili provođenje pripremnih aktivnosti za 11 odabranih projekata.

Blok 7 bio je tema špekulacija posebno u kontekstu privatizacije objekta, izražavane su sumnje u regularnost javnog poziva. Kako komentirate odziv na javni poziv za zajedničko ulaganje?

- Za partnerstvo sa EPBiH u izgradnji ovog bloka zainteresovani su Konzorcij COBRA S. A. Španija (lider Konzorcija), MVM Ovit ZRT Mađarska (član), Toshiba Co. Japan (član), RAFACO S. A. Poljska (član), zatim Hitachi Ltd, Japan i Konzorcij CHINA GEZHOUBA group Company Limited (lider), Gunadong Electric Power Desing Institute (član).

Ne sumnjamo da su se kompanije koje su se prijavile na naš međunarodni poziv informisale o EPBiH kao pouzdanoj i odgovornoj kompaniji s kojom bi mogle uspješno poslovati. Špekuliranje o privatizaciji objekta je neosnovano.

Projektno partnerstvo nije privatizacija i o tome smo govorili, međutim ne tako često o onome čime može rezultirati iznošenje neistina. Realizacija projekta može biti dovedena u pitanje, pa i zaustavljena. Posljedice mogu biti nemjerljive ne samo za EPBiH. Čak 5.000 rudara neće imati posla, egzistencija njihovih porodica bit će upitna, kao i egzistencija uposlenih u kompanijama koje bi trebalo da budu angažovane u gradnji i radu Bloka, iako od izvoznika možemo postati uvoznik električne energije.

Sve ovo i drugo što nisam naveo, oni koji imaju namjeru da zaustave projekt, moraju imati u vidu. Bit će odgovorni.

Iskren dijalog

EPBiH je vladajuće društvo Koncerna EPBiH. Stanje u rudnicima u trenutku preuzimanja Uprave i danas. Šta i koliko se promijenilo?

- EPBiH ima obavezu da ulaže u modernizaciju rudnika i to i radimo. Rudari sada rade u boljim, humanijim uslovima, nema štrajkova, nema prijetnji. Razgovaramo, zajedno tražimo

rješenja, uvažavamo njihove prijedloge, rudari naše stavove da njihovi menadžeri snose odgovornost za poslovanje. Među nama je otvoren i iskren dijalog. Nakon svakog susreta s njima moj respekt prema tim ljudima dobiva stepen više u gradaciji.

Lideri smo u proizvodnji električne energije

Gdje je EPBiH danas?

- Lider smo u proizvodnji električne energije u zemlji i regionu. Ostvarujemo zavidan prihod, finansijski rezultati su pozitivni. Danas gradimo temelje za prosperitet cijele države, EPBiH je generator, pokretač razvoja. Zajedno sa članicama Koncerna najjača smo kompanija u državi, izuzetno respektabilni izvan ovih prostora i okosnica stabilnosti elektroenergetskog sektora i nosilac njegovog unapređivanja. Ne završava se na ovome. Lista onoga što jesmo danas je duga.

Voditi takvu kompaniju je...

- Svakako izazov. A za mene... izazov koji ne priznaje i ne dozvoljava poraze.

Investicija nije bilo 20 godina

Kako komentirate izjave i optužbe čelnika SDA Sulejmana Tihića da posljednjih godina nije bilo ozbiljnijih investicija u elektroenergetski sektor?

- Saglasan sam s gospodinom Tihićem. Da, nije bilo, ali nije bilo posljednjih ne dvije već dvadeset godina. Gospodin Tihić svojim komentarima amnestira sebe i svoje stranačke kolege za ono što nisu uradili prije nas, postavlja pitanja, a trebalo bi upravo oni da odgovore zbog čega investicijskih projekata nije bilo ranije, zbog čega nije bilo potrebnih saglasnosti, dozvola, finansijskih konstrukcija za nove objekte.

Mi radimo i uradili smo značajan dio posla koji oni nisu i gospodin Tihić ne treba da brine, u trećoj godini našeg mandata, ukoliko ne bude političkih opstrukcija i politikantstva, mi počinjemo gradnju. U ove dvije godine, u projekte revitalizacije proizvodnih kapaciteta i druge uložili smo više od 400 miliona KM.

Objavljeno: 23.07.2013.

DOBIT ELEKTROPRIVREDE BIH ZA POLA GODINE PREKO 22 MILIONA KM



Javno preduzeće Elektroprivreda BiH (JP EPBiH) je prvo polugodište 2013. poslovne godine okončalo sa dobiti od 22.252.299 KM, što je za 15,2 miliona KM više u odnosu na planiranu dobit.

Ukupan ostvareni prihod kompanije iznosi 499.873.446 KM, dok su ukupni troškovi i rashodi iznosili 477.621.147 KM.

U prvih šest mjeseci 2013. godine proizvedeno je 3.726 GWh ili 5,6 posto više od planirane proizvodnje, odnosno 12,9 posto više u odnosu na isti period prošle godine.

Svi kupci Javnog preduzeća Elektroprivreda BiH su uredno snabdijevani električnom energijom i sve ugovorene obaveze su izmirene.

U prvom polugodištu 2013.godine nastavljene su pripremne aktivnosti na realizaciji projekata - termokapaciteti - Blok 7 u TE "Tuzla" i Blok 8 u TE "Kakanj", hidroelektrane "Ustikolina", "Vranduk", "Janjići", Una Kostela Aneks, "Kruševo", "Zeleni vir" i "Kovanići", male hidroelektrane na Neretvici i vjetroelektrane "Podveležje" i "Vlašić", saopćeno je iz Službe za komunikacije JP EPBiH.

OSLOBODENJE

19.08.2013. | PIŠE: Devleta BRKIĆ

IZGRADNJA BLOKA 7 TE TUZLA: NIJE ZAGAĐENJE, VEĆ VELIKI BENIFIT

Nakon što smo objavili tekst da grupa građana iz naselja Šićki Brod i Bukinje, zbog višedecenijskog zagađenja sredine prouzrokovanog radom Termoelektrane Tuzla, kreće u "borbu" sa Elektroprivredom BiH i da ne isključuje mogućnost kolektivne tužbe protiv ove kompanije, uslijedio je i odgovor iz EPBiH.



U svojim zahtjevima građani ove dvije mjesne zajednice traže jedan dio beneficija prilikom plaćanja struje i grijanja, riješene kapitalne projekte, puteve, kanalizaciju, dobro snabdijevanje električnom energijom, kulturni, zabavni i sportski život na zadovoljavajućem nivou i dom

kulture kakav zaslužuju, te poštivanje ugovora o prijateljskom okruženju potpisanog između Elektroprivrede BiH i Općine Tuzla.

Unapređenje života

Iz Sektora za komunikacije Elektroprivrede BiH saopšteno nam je da je ova kompanija realizovala pet od ukupno sedam projekata za koje se obavezala potpisivanjem ugovora o prijateljskom okruženju sa Općinom Tuzla, te da je u roku izvršila sve obaveze po

dostavljenoj dokumentaciji za povlačenje sredstava sa računa za realizaciju projekata. Ukupna vrijednost ovog ugovora je 3,6 miliona maraka, a vrijednost do sada realizovanih projekata je 3,3 miliona maraka.

Realizovani su projekti izgradnje primarne vrelovodne mreže u dijelu MZ Bukinje, zatim u dijelu MZ Šićki Brod i Kreka, naselja Miladije, nabavka i ugradnja toplinskih podstanica u MZ Šićki Brod i Bukinje, te izgradnja kanalizacione mreže u naselju Divkovići.

U odgovoru koji smo dobili iz EPBiH, između ostalog, stoji da je izgradnja novih objekata važan benefit za lokalnu zajednicu, da je Elektroprivreda BiH društveno odgovorna kompanija, da ulaže sredstva u unapređenje života, da ispunjava svoje obaveze, te da doprinosi ekonomskom razvoju.

- Veliki investicioni i razvojni potencijal nameće odgovornost EPBiH da omogući korist za društvo u cjelini, pokretanjem krupnih investicionih projekata koji su generatori za rast domaće privrede i otvaranje radnih mjesta. Stoga EPBiH u svojoj poslovnoj politici i planovima ističe doprinos ekonomskom zdravlju, održivom razvoju i napretku društvene zajednice u cjelini, kazano nam je iz EPBiH.

Podsjetimo, građani koji su pokrenuli inicijativu za borbu protiv Elektroprivrede BiH, kazali su nam da žele da im se obrazloži studija o izgradnji Bloka 7.

Izadite pred građane

- Blok 7 će se izgraditi onda kada građani pristanu na to, kada Elektroprivreda pokaže ijedan znak dobre volje prije same izgradnje. Oni su dužni da izađu pred građane, da nam obrazlože studiju o uticaju izgradnje bloka na ljude i okoliš, kazao je za naš list Senail Ajšić, jedan od pokretača inicijative.

Presudom Kantonalnog suda Tuzla, na osnovu naknade za zagađenje zraka od 2002. do 2006. godine, JP Elektroprivreda BiH je 2012. godine u budžet TK-a uplatila iznos od 12.506.984,22 marke. Ovaj iznos uključuje glavnica i kamate, a isplaćen je u tri rate.

Objavljeno: 22.08.2013.

Nakon odluka organa HNK

ELEKTROPRIVREDA BIH NEĆE TRAŽITI POSKUPLJENJE STRUJE



avaz

"JP Elektroprivreda BiH informiše javnost da kao društveno odgovorna kompanija, neće inicirati pokretanje novog tarifnog postupka, odnosno povećanje postojećih tarifa (cijena) za obračun električne energije, bez obzira negativne efekte koje bi na poslovanje Javnog preduzeća i realizaciju kapitalnih investicija moglo imati uvođenje obavezujuće kantonalne naknade koju propisuje Zakon o

vodama Hercegovačko-neretvanskog kantona usvojen 28. juna godine", stoji u saopštenju ove firme kojeg prenosimo u cjelosti.

Elektroprivreda BiH učiniće sve u okviru dozvoljenih zakonskih mogućnosti kako bi zaštitila interese Javnog preduzeća i svojih kupaca (građana).

Zbog uvođenja obavezujuće kantonalne naknade, JP Elektroprivreda BiH obratila se svim relevantnim institucijama FBiH i očekuje preispitivanje odluke zakonodavnih organa Hercegovačko-neretvanskog kantona, koja predstavlja direktno ulaženje Kantona u ingerencije Federacije BiH. Plaćanje svih vrsta općih i posebnih naknada propisano je Zakonom o vodama FBiH i po tom osnovu JP EPBiH godišnje izdvaja cca 7 miliona KM.

S ciljem zaštite svojih kupaca i poslovanja, JP EPBiH je bila primorana i na obraćanje Vrhovnom sudu FBiH i traženje revizije postupka u slučaju pojedinih odluka sudskih organa Hercegovačko-neretvanskog kantona. Provedba odluka pravosudnih organa HNK za koje je zatražena revizija postupka, za Javno preduzeće bi predstavljala dodatno finansijsko opterećenje koje bi ugrozilo poslovanje, a time i sve kupce (građane).

JP Elektroprivreda BiH koristiće sva dozvoljena pravna sredstva u svim slučajevima i situacijama koje mogu izazvati negativne efekte na poslovanje Javnog preduzeća i ugroziti interese njegovih kupaca (građana).

Objavljeno: 18.09.2013.

Nakon što su ispunjeni svi neophodni preduslovi

EBRD ODOBRILO ELEKTROPRIVREDI BIH KREDIT OD 35 MILIONA EURA



Evropska banka za obnovu i razvoj (EBRD) odobrila je JP Elektroprivreda BiH kredit u iznosu 35 miliona eura za realizaciju projekata izgradnje HE "Vranduk" i rehabilitaciju i proširenje kapaciteta HE "Una Kostela" (Unsko – sanski kanton), po povoljnim uslovima kreditiranja. Kredit je odobren nakon što su ispunjeni svi neophodni ekonomski, tehnički i okolinski preduslovi.

Od odobrenog iznosa, za izgradnju HE "Vranduk" planirana su sredstva od 26 miliona eura, dok je za HE "Una Kostela" planiran iznos od devet miliona eura.

Nakon prethodne saglasnosti koju je za kreditno zaduženje dala Vlada FBiH, u skladu sa Zakonom o dugu, zaduživanju i garancijama u FBiH, svoju saglasnost treba dati i Parlament FBiH .

- Očekujemo pozitivno izjašnjavanje Parlamenta FBiH. Njegova saglasnost za zaduženje omogućit će nam da odmah pristupimo potpisivanju Ugovora sa EBRD-om. Nakon toga slijedi izbor tehničkog konsultanta za HE "Vranduk", raspisivanje tendera za izvođenje radova i usluga. U isto vrijeme započeće i izvođenje pripremnih radova koje finansiramo vlastitim sredstvima - izjavio je Elvedin Grabovica, generalni direktor JP Elektroprivreda BiH nakon obavijesti Odbora EBRD o odobravanju kredita.

Predstavnički dom Parlamenta FBiH, u nastavku 22. sjednice koja je zakazana za 24. septembar ove godine, treba raspravljati o Prijedlogu Odluke o davanju predhodne saglasnosti za kreditno zaduženje JP Elektroprivreda BiH d.d. Sarajevo kod EBRD -a.

JP EPBiH će s ciljem osiguranja dodatne energije iz postojećeg postrojenja "Una - Kostela" izvršiti rekonstrukciju dijelova protočne hidroelektrane "Una- Kostela" koja je pogonu od 1954.godine, uz povećanje kapaciteta sa 9,4 MW na 14,6 MW.

Nastavak rekonstrukcije HE "Una Kostela" će biti značajan korak u rješavanju problema nedostatka izvora električne energije u Unsko-sanskom kantonu, kao i problema u vezi sa oscilacijom napona i tokova energije u elektroenergetskom sistemu na području Kantona, saopćeno je iz JP Elektroprivreda BiH.

OSLOBODENJE

Objavljeno 18.09.2013.

EBRD ODOBRILO ELEKTROPRIVREDI BIH KREDIT OD 35 MILIONA EURA

Evropska banka za obnovu i razvoj (EBRD) odobrila je JP Elektroprivreda BiH kredit u iznosu 35 miliona eura za realizaciju projekata izgradnje HE Vranduk i rehabilitaciju i proširenje kapaciteta HE Una Kostela (Unsko – sanski kanton), po povoljnim uslovima kreditiranja.



Kredit je odobren nakon što su ispunjeni svi neophodni ekonomski, tehnički i okolinski preduslovi.

Od odobrenog iznosa, za izgradnju HE Vranduk planirana su sredstva od 26 miliona eura, dok je za HE Una Kostela planiran iznos od devet miliona eura.

Nakon prethodne saglasnosti koju je za kreditno zaduženje dala Vlada FBiH, u skladu sa Zakonom o dugu, zaduživanju i garancijama u FBiH, svoju saglasnost treba dati i Parlament FBiH .

- Očekujemo pozitivno izjašnjavanje Parlamenta FBiH. Njegova saglasnost za zaduženje omogućit će nam da odmah pristupimo potpisivanju Ugovora sa EBRD-om. Nakon toga slijedi izbor tehničkog konsultanta za HE Vranduk, raspisivanje tendera za izvođenje radova i usluga. U isto vrijeme započeće i izvođenje pripremnih radova koje finansiramo vlastitim sredstvima - izjavio je Elvedin Grabovica, generalni direktor JP Elektroprivreda BiH nakon obavijesti Odbora EBRD o odobravanju kredita.

Predstavnički dom Parlamenta FBiH, u nastavku 22. sjednice koja je zakazana za 24. septembar ove godine, treba raspravljati o Prijedlogu Odluke o davanju predhodne

saglasnosti za kreditno zaduženje JP Elektroprivreda BiH d.d. Sarajevo kod EBRD -a.

JP EPBiH će s ciljem osiguranja dodatne energije iz postojećeg postrojenja "Una - Kostela" izvršiti rekonstrukciju dijelova protočne hidroelektrane "Una- Kostela" koja je pogonu od 1954.godine, uz povećanje kapaciteta sa 9,4 MW na 14,6 MW.

Nastavak rekonstrukcije HE Una Kostela će biti značajan korak u rješavanju problema nedostatka izvora električne energije u Unsko-sanskom kantonu, kao i problema u vezi sa oscilacijom napona i tokova energije u elektroenergetskom sistemu na području Kantona, saopćeno je iz JP Elektroprivreda BiH.

Objavljeno: 27.09.2013.

Finansiranje tehničke asistencije na tri projekta

KFW ODOBRILO ELEKTROPRIVREDI BIH GRANT U IZNOSU OD 1,42 MILIONA EURA



Njemačka razvojna banka KfW odobrila je JP Elektroprivreda BiH grant sredstva za finansiranje tehničke asistencije na projektima HE „Kovanići“, HE „Janjići“ i Vjetropark „Podveležje“, u ukupnom iznosu 1,42 miliona eura.

Od odobrenog iznosa, za projekt izgradnje HE „Kovanići“ planirano je 850 hiljada eura, za pripremu studije izvodljivosti, koja uključuje i preliminarnu procjenu utjecaja na okoliš i izvršenje potrebnih geoloških i drugih istražnih radova. Ukoliko studija pokaže da je projekt opravdan, KfW je spreman da kreditnim sredstvima, pod povoljnim uvjetima, finansira izgradnju hidroelektrane.

Za procjenu okolinskih i društvenih utjecaja i izvođenje istraživanja nultog stanja faune za projekt HE „Janjići“, odobrena su sredstva od 170 hiljada eura. Studija izvodljivosti za izgradnju HE „Janjići“, koju je, također, prethodno finansirao KfW, pokazala je projekt opravdanim i u toku su pripreme za njenu izgradnju. Finansiranje izgradnje HE „Janjići“ je, također, planirano iz kreditnih sredstava KfW-a.

Za projekt Vjetroparka na „Podveležju“ odobren je iznos od 400 hiljada eura, namjenjenih za istraživanje nultog stanja kretanja ptica i šišmiša na području projektne lokacije vjetroparka, te podrazumijeva prikupljanje podataka u periodu 12 mjeseci (na području VP „Podveležje“ i referentnoj lokaciji) i prebrojavanje uzoraka koji se mogu smatrati reprezentativnim u punom spektru preovladavajućih okolinskih uvjeta.

Njemačka razvojna banka KfW već je odobrila kredit od 65 miliona eura za izgradnju VP „Podveležje“. Da bi ova sredstva postala operativna, neophodna je saglasnost institucija BiH i FBiH, nakon čega se može pristupiti potpisivanju ugovora o kreditu i projektu sa KfW-om. U

što skorije vrijeme se očekuje okončanje procedure odobravanja, što će omogućiti potpisivanje ugovora sa KfW-im, saopćila je Služba za komunikacije JPEPBiH .

ELEKTROPRIVREDI BIH GRANT SREDSTVA OD 1,42 MILIJUNA EURA



SARAJEVO – Za financiranje tehničke asistencije na projektima hidroelektrana “Kovanići” i “Janjići” te vjetroparka “Podveležje”, Njemačka razvojna banka - KfW odobrila je JP Elektroprivredi BiH grant sredstva u ukupnom iznosu 1,42 milijuna eura.

Od tog iznosa će za HE “Kovanići” biti izdvojeno 850 tisuća eura, za HE “Janjići” 170 tisuća eura, a za vjetropark iznos od 400 tisuća eura.

Studija izvodljivosti

Za projekt izgradnje HE “Kovanići” od ukupnog iznosa planirano je 850 tisuća eura, priopćeno je iz ovog poduzeća. Novac će biti namijenjen za pripremu studije izvodljivosti, koja uključuje i preliminarnu procjenu utjecaja na okoliš i izvršenje potrebnih geoloških i drugih istražnih radova.

- Ukoliko studija pokaže da je projekt opravdan, KfW je spreman kreditnim sredstvima, po povoljnim uvjetima, financirati izgradnju hidroelektrane, stoji u priopćenju. Za procjenu okolišnih i društvenih utjecaja i izvođenje istraživanja nultog stanja faune za projekt HE “Janjići” odobrena su sredstva od 170 tisuća eura. Studija izvodljivosti za izgradnju ove hidroelektrane, koju je također prethodno financirao KfW, pokazala je projekt opravdanim i u tijeku su pripreme za njezinu izgradnju.

Financiranje izgradnje HE “Janjići” je također planirano iz kreditnih sredstava KfW-a. Što se tiče vjetroparka “Podveležje”, odobren je iznos od 400 tisuća eura. Iznos je, dodaje se u priopćenju Elektroprivrede BiH, namijenjen za istraživanje nultog stanja kretanja ptica i šišmiša na području projektne lokacije vjetroparka te podrazumijeva prikupljanje podataka u razdoblju od 12 mjeseci (na području VP “Podveležje” i referentnoj lokaciji) te prebrojavanje uzoraka koji se mogu smatrati reprezentativnim u punom spektru prevladavajućih okolišnih uvjeta.

Suglasnost institucija

Kako napominju u ovom poduzeću, KfW je već odobrio kredit od 65 milijuna eura za izgradnju VP “Podveležje”.

- Da bi ova sredstva postala operativna, potrebna je suglasnost institucija BiH i FBiH, nakon čega se može pristupiti potpisivanju ugovora o kreditu i projektu sa KfW-om. U što skorije vrijeme se očekuje okončanje procedure odobravanja, što će omogućiti potpisivanje ugovora sa KfW-om, zaključuju u Elektroprivredi BiH.

Piše: M. Šagolj

OSLOBODENJE

Objavljeno 30.09.2013.

DO SUTRA NEMA OBNOVE SAOBRAĆAJA: ELEKTROPRIVREDA BIH TRAŽI ISPLATU BAR TEKUĆE RATE OD 160.000 KM

Generalni direktor JP Elektroprivreda BiH Elvedin Grabovica je danas na pres-konferenciji u Sarajevu kazao da je izvršena obustava isporuke električne energije Javnom preduzeću Gras zbog neprihvatanja sporazuma o izmirenju dugovanja na rate koji su im ponudili prošlog mjeseca i zbog neizmirivanja tekućih obaveza koje su dospjele za ovaj mjesec



- U augustu smo upozorili na ozbiljnost situacije. Dobili smo obećanja od resornog ministarstva, Kantonalne vlade i uprave Grasa da će prihvatiti naš sporazum, gdje smo im ponudili da otplaćuju redovno tekuću ratu i jednu ratu prethodnog duga, kako bi ukupan dug sanirali do kraja iduće godine - kazao je Grabovica.

Ispaštaju građani

Po njegovim riječima, nakon uplate sredstava doznačenih od Kantona, Kantonalne vlade Grasu, „oni su uplatili prošli mjesec 500 hiljada i ovaj mjesec su se oglušili o plaćanje tekuće rate”.

- Oni jednostavno nisu imali da izmire tekuće obaveze koje iznose cirka 160 hiljada KM na

mjesečnoj osnovi - kazao je Grabovica te je u ime Elektroprivrede BiH izrazio žaljenje što su morali isključiti električnu energiju.

- Znamo kako se građani osjećaju. Međutim, moramo voditi računa, prije svega, o interesima javne kompanije koju vodimo i moramo da se brinemo za naplatu naših potraživanja kako ne bismo u dogledno vrijeme i mi dospjeli u slične probleme u kojima se nalaze ove javne kompanije. Elektroprivreda BiH izlazi u susret svim drugim kompanijama, nastojimo biti fleksibilni u plaćanju, ali ukoliko s druge strane nemamo sugovornika, onda moramo pristupiti ovakvim, neradim, mjerama - kazao je Grabovica.

Dodao je da je danas popodne razgovarao sa direktorom Grasa.

- Oni su obećali da će u toku sutrašnjeg dana uplatiti bar ovu tekuću ratu od nekih 160.000 KM, što bi bio osnov za ponovno uključenje i pokretanje trolejbuskog i tramvajskog saobraćaja. Iskreno se nadam da će oni to uraditi i pozivam ih da to urade. Mi ćemo istog momenta, kada pare legnu na naš račun, dakle jedna tekuća rata, odmah pristupiti uključanju električne energije i ja se nadam da će građani Sarajeva ponovo dobiti tramvaje i trolejbuse u funkciji - kazao je Grabovica.

Mi smo, dodao je on, u zadnjih pet mjeseci i više, tek prošli mjesec dobili prvu uplatu od 500 hiljada, a „to su ta doznačena sredstva Kantona, i ništa više“.

Vodovod ispoštovao sporazum

- Oni su nama nudili da uplate 50 hiljada i to je ono što su imali prije isključenja. Nakon isključenja ponudili su nam ono što oni mogu maksimalno, da će skupiti u toku sutrašnjeg dana tih 160 hiljada i to je ono što ja imam informaciju. Mi ćemo izaći u susret, ali da bar tu tekuću ratu uplate - kazao je Grabovica.

Odgovarajući na novinarsko pitanje kada je Elektroprivreda" upozorila Gras da će isključiti struju, Grabovica je odgovorio „na vrijeme“.

- Mi smo njima tražili tri miliona, koliko su dužni. Međutim, ipak smo svjesni i mi ozbiljnosti situacije i problema u kojima se nalaze. Ne tražimo nešto što je nerealno i što znamo da oni ne mogu ispuniti - kazao je Grabovica.

Po njegovim riječima, minimum minimuma da bi proradili tramvaji i trolejbusi je tekuća rata od 160 hiljada.

- Ali, također će oni morati naći načina kako će isplatiti i ostatak duga, jer ipak Elektroprivreda ima previše firmi koje nosi na svojim plećima - kazao je Grabovica.

Zbog neizmirenja dugovanja obustavljena je isporuka električne energije KJKP ZOI '84 d.o.o.Sarajevo i preduzeću Hidrogradnja d.d. Sarajevo.

- Bilo je najava da će se isključiti i Vodovodu. Međutim, Vodovod je ispoštovao potpisani sporazum i on su izmirili tekuću ratu i još jednu ratu prema sporazumu tako da njima nije isključena struja - kazao je direktor Elektroprivrede BiH.

Objavljeno: 30.09.2013.

Nakon GRAS-a

ISKLJUČENA STRUJA IPREDUZEĆIMA ZOI 84 I HIDROGRADNJA



avaz

Javno preduzeće Elektroprivreda BiH danas je zbog neprihvatanja Sporazuma o izmirenju dugovanja na rate i neizmirenja tekućih obaveza pristupila obustavi isporuke električne energije na svim mjernim mjestima KJKP Gras Sarajevo. Isključenjem mjernih mjesta KJKP Gras Sarajevo, obuhvaćena je i mreža za napajanje tramvajskog i trolejbuskog saobraćaja.

U saopćenju iz Elektroprivrede navode da su na ovu mjeru primorani zbog neprihvatanja Sporazuma o plaćanju duga na rate, kojim je KJKP Gras Sarajevo ponuđeno izmirenje dugovanja na rate i izmirenje tekuće fakture po dospijeću.

S obzirom na to da KJKP Gras Sarajevo do 25. septembra, nije izvršio uplatu 331.686,79 KM (rata po ponuđenom Sporazumu u iznosu 169.202,63 KM i tekuće fakture u iznosu 162.484,16 KM), JP Elektroprivreda BiH pristupila je isključenju 45 mjernih mjesta s distributivne mreže.

Ukupan dug KJKP Gras Sarajevo, na dan 30. septembra, iznosi 2.969.739,27 KM.

- Zbog neprihvatanja Sporazuma o izmirenju dugovanja na rate i neplaćanja tekuće fakture, Elektroprivreda BiH je bila primorana na obustavu isporuke električne energije na svim mjernim mjestima preduzeća Gras. Menadžment JP EPBiH i ranije je upozoravao da neće dozvoliti da zbog neodgovornosti i nemara odgovornih za rad javnih kantonalnih preduzeća, bude dovedeno u pitanje poslovanje JP EPBiH. Građanima Sarajeva ukazujemo da

odgovornost za situaciju nastalu obustavom isporuke, snose samo i izričito resorno kantonalno ministarstvo i Uprava KJKP Gras Sarajevo - naveo je generalni direktor JP Elektroprivreda d.d. Sarajevo Elvedin Grabovica u saopćenju ovog preduzeća.

Grabovica je podsjetio i da je obustava isporuke električne energije preduzeću Gras posljedica neprihvatanja Sporazuma o izmirenju dugovanja na rate, neizmirenja tekuće fakture i ignoriranje svih ponuda upućenih od JP Elektroprivreda za izmirenje dugovanja.

Zbog neizvršavanja obaveza po osnovu sporazuma o izmirenju dugovanja na rate i izmirenju tekućih faktura, u toku je izvršenje naloga o obustavi isporuke električne energije KJKP ZOI '84 d.o.o. Sarajevo i preduzeću Hidrogradnja d.d. Sarajevo.

Imajući razumijevanja zbog činjenice o teškoj finansijskoj situaciji u kojoj se nalaze kantonalna javna preduzeća i ustanove, JP Elektroprivreda BiH je u više navrata prolongirala obustave isporuke električne energije kao i rokove za izmirenje dospjelih obaveza.

Nakon izvršene uplate dijela iznosa utvrđenog Sporazumom o izmirenju dugovanja na rate, Elektroprivreda BiH je obustavila nalog o isključenju električne energije KJKP Vodovod i kanalizacija d.o.o. Sarajevo.

OSLOBODENJE

Objavljeno 30.09.2013.

ELEKTROPRIVREDA ISKLJUČUJE STRUJU ZOI 84 I HIDROGRADNJI

Javno preduzeće Elektroprivreda BiH danas je zbog neprihvatanja Sporazuma o izmirenju dugovanja na rate i neizmirenja tekućih obaveza pristupila obustavi isporuke električne energije na svim mjernim mjestima KJKP Gras Sarajevo



Isključenjem mjernih mjesta KJKP Gras Sarajevo, obuhvaćena je i mreža za napajanje tramvajskog i trolejbuskog saobraćaja.

U saopćenju iz Elektroprivrede navode da su na ovu mjeru primorani zbog neprihvatanja Sporazuma o plaćanju duga na rate, kojim je KJKP Gras Sarajevo ponuđeno izmirenje dugovanja na rate i izmirenje tekuće fakture po dospijeću.

S obzirom na to da KJKP Gras Sarajevo do 25. septembra, nije izvršio uplatu 331.686,79 KM (rata po ponuđenom Sporazumu u iznosu 169.202,63 KM i tekuće fakture u iznosu 162.484,16 KM), JP Elektroprivreda BiH pristupila je isključenju 45 mjernih mjesta s distributivne mreže.

Ukupan dug KJKP Gras Sarajevo, na dan 30. septembra, iznosi 2.969.739,27 KM.

- Zbog neprihvatanja Sporazuma o izmirenju dugovanja na rate i neplaćanja tekuće fakture, Elektroprivreda BiH je bila primorana na obustavu isporuke električne energije na svim mjernim mjestima preduzeća Gras. Menadžment JP EPBiH i ranije je upozoravao da neće

dozvoliti da zbog neodgovornosti i nemara odgovornih za rad javnih kantonalnih preduzeća, bude dovedeno u pitanje poslovanje JP EPBiH. Građanima Sarajeva ukazujemo da odgovornost za situaciju nastalu obustavom isporuke, snose samo i izričito resorno kantonalno ministarstvo i Uprava KJKP Gras Sarajevo - naveo je generalni direktor JP Elektroprivreda d.d. Sarajevo Elvedin Grabovica u saopćenju ovog preduzeća.

Grabovica je podsjetio i da je obustava isporuke električne energije preduzeću Gras posljedica neprihvatanja Sporazuma o izmirenju dugovanja na rate, neizmirenja tekuće fakture i ignoriranje svih ponuda upućenih od JP Elektroprivreda za izmirenje dugovanja.

Zbog neizvršavanja obaveza po osnovu sporazuma o izmirenju dugovanja na rate i izmirenju tekućih faktura, u toku je izvršenje naloga o obustavi isporuke električne energije KJKP ZOI '84 d.o.o. Sarajevo i preduzeću Hidrogradnja d.d. Sarajevo.

Imajući razumijevanja zbog činjenice o teškoj finansijskoj situaciji u kojoj se nalaze kantonalna javna preduzeća i ustanove, JP Elektroprivreda BiH je u više navrata prolongirala obustave isporuke električne energije kao i rokove za izmirenje dospjelih obaveza.

Nakon izvršene uplate dijela iznosa utvrđenog Sporazumom o izmirenju dugovanja na rate, Elektroprivreda BiH je obustavila nalog o isključenju električne energije KJKP Vodovod i kanalizacija d.o.o. Sarajevo.

Ponedjeljak, 30 Rujan

ELEKTRANE NE SPADAJU POD NADLEŽNOST ŽUPANIJA



SARAJEVO/MOSTAR – Dva javna poduzeća, JP Elektroprivreda Hrvatske zajednice Herceg Bosna i JP Elektroprivreda BiH, obratila su se 16. rujna federalnom Ministarstvu energetike, rudarstva i industrije sa zahtjevom da preko premijera Federacije BiH, kao ovlaštenog podnositelja zahtjeva za ocjenu ustavnosti, uputi Ustavnom sudu Federacije BiH na postupanje, odnosno pokrene, postupak za ocjenu ustavnosti člana 74. Zakona o vodama Hercegovačko-neretvanske županije.

Nadležnosti županija

Naime, Skupština Hercegovačko-neretvanske županije je na 25. sjednici održanoj 28. lipnja ove godine donijela Zakon o vodama koji je objavljen u Službenim novinama ove županije. Ovim zakonom se utvrđuje obveza plaćanja županijske naknade od posebnog značaja za HNŽ, a predmetna naknada se utvrđuje za proizvodnju električne energije i druge pogonske namjene u visini od 0,005 KM/kWh proizvedene električne energije. JP EP HZ HB d. d. Mostar smatra da je u odnosu na javna poduzeća u vlasništvu FBiH koja obavljaju djelatnost proizvodnje električne energije na području HNŽ-a, a tu je osim JP EP HZ HB d. d. Mostar i JP Elektroprivreda HZ HB d. d. Mostar, spornim članom Zakona o vodama HNŽ-a povrijeđeno pravo jednakosti pred zakonom iz člana II.A.2.c Ustava FBiH i pravo na imovinu iz člana II.A.2.k Ustava FBiH. U smislu osporavanja člana 74. Zakona o vodama HNŽ-a, ističu nekoliko razloga.

Naime, federalnim Zakonom o vodama je utvrđeno plaćanje svih vrsta naknada po osnovi korištenja voda, s tim u vezi navedenim zakonom predviđeno je plaćanje općih i posebnih vodnih naknada, po kojoj osnovi JP Elektroprivreda d. d. Sarajevo i JP Elektroprivreda HZ HB d. d. Mostar iste uredno plaćaju. Navedeni Zakon nije predvidio uvođenje naknada od posebnog značaja za županiju pa uvođenje naknada iz člana 74. Zakona o vodama HNŽ smatraju neosnovanim.

Uz to, federalnim Zakonom o izdvajanju i usmjeravanju dijela prihoda poduzeća ostvarenog korištenjem hidroakumulacijskih objekata predviđena su izdvajanja po ostvarenom prihodu korištenjem hidroakumulacijskog objekta izgrađenog na potopljenom području, za koji JP Elektroprivreda BiH d. d. Sarajevo i JP Elektroprivreda HZ HB d. d. Mostar izdvajaju znatna financijska sredstva.

Kao treći razlog dvije elektroprivrede navode kako je u skladu s federalnim Zakonom o vodama, za izdavanje vodnih akata nadležna Federalna agencija za vodno područje Jadranskog mora, koja je izdala sve važeće dozvole za objekte kojima upravlja JP Elektroprivreda BiH d. d. Sarajevo (HE Jablanica, HE Grabovica, HE Salakovac) i JP Elektroprivreda HZ HB d. d. Mostar (HE Rama, HE Mostar, CHE Čapljinina i HE Mostarsko blato), iz čega proizlazi da s aspekta izdavanja vodnih akata navedene elektrane ne spadaju pod nadležnost županija. Odredbama člana 167. i člana 222. federalnog Zakona o vodama, gdje član 167. definira da je “županija nadležna za obavljanje poslova i zadataka koji su ovim Zakonom dani u njegovu nadležnost”, a član 222. da se “zakonima županija reguliraju pitanja organizacije i načina obavljanja poslova koji su ovim Zakonom stavljeni u nadležnost županija”, može se zaključiti, a u vezi i s ostalim odredbama ovog Zakona, da nadležnost županija za utvrđivanje naknade od posebnog značaja za županiju nema svoje uporište.

Javni društveni interes

Dvije elektroprivrede ističu i kako Zakon o koncesijama HNŽ-a predviđa da se koncesija dodjeljuje za korištenje voda i javnog vodnog dobra, pored ostalih i za proizvodnju električne energije instalirane snage do pet MW, pri čemu su sredstva ostvarena od koncesijske naknade prihod općine na čijem se teritoriju nalazi predmet koncesije u iznosu od 55 posto, a prihod županije u iznosu od 45 posto. Navode kako Zakon o koncesijama Federacije BiH predviđa da Vlada FBiH odlučuje o dodjeli koncesije za izgradnju hidroenergetskih objekata snage veće od pet MW.

-Imajući u vidu instaliranu snagu objekata ove Elektroprivrede, može se zaključiti da i po ovoj osnovi spomenute hidroelektrane spadaju u federalnu, a ne u županijsku nadležnost, a samim tim ni JP Elektroprivreda BiH d. d. Sarajevo i JP Elektroprivreda HZ HB d. d. Mostar ne mogu biti obveznik plaćanja naknade od posebnog značaja propisane županijskim zakonom – navodi se u inicijativi upućenoj Ministarstvu energetike, rudarstva i industrije FBiH, odnosno Vladi FBiH. Dvije elektroprivrede ističu kako federalni Zakon o električnoj energiji predviđa da elektroprivredno društvo nije dužno plaćati posebne naknade osim naknade za koncesiju kad je to zakonom predviđeno. Napominju kako je Zakon o javnim poduzećima FBiH definirao javno poduzeće kao poduzeće koje obavlja djelatnosti od javnog društvenog interesa (energetika, komunikacije, komunalne djelatnosti, upravljanje javnim dobrima i druge djelatnosti od javnog društvenog interesa). Na osnovi toga je Vlada FBiH odlukom o utvrđivanju djelatnosti od javnog društvenog interesa FBiH koju obavljaju javna poduzeća u kojima Federalno ministarstvo energetike, rudarstva i industrije vrši ovlasti po osnovi državnog kapitala iz 2010., proglasila JP EP BiH d. d. Sarajevo i JP EP HZ HB d. d. Mostar javnim poduzećima koja obavljaju djelatnost od javnog društvenog interesa. Utvrđeno je da je energetika u oblasti električne energije djelatnost od javnog društvenog interesa FBiH.

Piše: I. Marić

Objavljeno: 22.10.2013.

Upozorenje Elektroprivrede BiH

SARAJEVO BI U PETAK MOGLO OSTATI BEZ VODE, PRIJEVOZA I RASVJETE



JP Elektroprivreda BiH (EPBiH) upozorava Vladu Kantona Sarajevo i uprave preduzeća Vodovod i kanalizacija, Gras, ZOI 84, Hidrogradnja, te Javnu rasvjetu Kantona Sarajevo, da je petak, 25. oktobra ove godine, krajnji rok za izmirenje obaveza po tekućoj fakturi (utrošena električna energija za septembar 2013.) i izmirenje obaveza po osnovu sporazuma o plaćanju dugovanja iz ranijeg perioda.

- Svim navedenim kupcima su, u skladu sa važećim propisima, uz tekuće fakture dostavljene i opomene zbog neizmirenog duga za prethodne obračunske periode sa propisanim rokom za plaćanje kao i obavještenja o obustavi isporuke električne energije sa navedenim terminom za obustavu - saopćeno je iz EPBiH.

Elektroprivreda BiH iznova ukazuje na ozbiljnost situacije, kako bi bile izbjegnute mjere čije će posljedice u najvećoj mjeri snositi građani Kantona Sarajevo.

Ukoliko do 25. oktobra ove godine dospelje obaveze po osnovu tekućih faktura (mjesec septembar 2013.) i obaveze po osnovu sporazuma o izmirenju dugovanja ne budu izmirene, Elektroprivreda BiH će s ciljem zaštite svoga poslovanja i spriječavanju daljeg povećanja duga, biti primorana na obustavu isporuke električne energije i to:

U ponedjeljak, 28. oktobra ove godine preduzećima: KJKP Vodovod i kanalizacija d.o.o. Sarajevo (ukupan dug 6,4 miliona KM), KJKP Gras d.o.o. Sarajevo (ukupan dug 2,9 miliona KM) i KJP ZOI 84 Olimpijski centar Sarajevo d.o.o. Sarajevo (ukupan dug 155 hiljada KM).

U utorak, 29. oktobra ove godine preduzeću Javna rasvjeta Kantona Sarajevo (ukupan dug 738 hiljada KM), te u srijedu, 30. oktobra preduzeću Hidrogradnja d.d. Sarajevo (ukupan dug 127 hiljada KM).

- Sporazum o plaćanju duga na rate potpisan i ovjeren od Elektroprivrede BiH sa utvrđenom dinamikom izmirenja dospjelih obaveza nisu prihvatili: KJKP Vodovod i Kanalizacija d.o.o. Sarajevo, KJKP Gras d.o.o. Sarajevo, KJP ZOI 84 Olimpijski centar Sarajevo d.o.o. Sarajevo - navodi se u saopćenju iz Službe za komunikacije JP EPBiH.

Objavljeno: 25.10.2013. Autor: J. G.

"Elektroprivreda BiH" odgodila obustavu

KANTONALNIM PREDUZEĆIMA NEĆE BITI ISKLJUČENA STRUJA



Iako je javno preduzeće "Elektroprivreda BiH" (EP BiH) poslala dopis upozorenja i dala krajnji rok uplate tekućih faktura za pet kantonalnih preduzeća, danas je odustala od najavljene obustave električne energije.

Naime, kako stoji u dopisu "EP BiH odgađa najavljenu obustavu isporuke električne energije

preduzećima Vodovod i Kanalizacija, GRAS-u, ZOI '84, Hidrogradnja i javna rasvjeta Kantona Sarajevo, zbog izmirenja obaveza po tekućoj fakturi za mjesec septembar koja će biti izvršena najkasnije do ponedjeljka, 28.oktobra".

- Za novčana potraživanja iz ranijih perioda, "Elektroprivreda BiH" će s ciljem zaštite svoga poslovanja i spriječavanju povećanja duga i dalje insistirati na reprogramiranju duga, odnosno potpisivanju ugovora o reprogramu duga, uz obezbjeđene instrumenata osiguranja plaćanja od strane dužnika ili garancije Skupštine i Vlade Kantona Sarajevo - kazali su iz EP BiH.

Ojavljeno: 25.10.2013.

U periodu od 13.00 do 16.00 i od 22.00 do 7.00 sati

STRUJA JEFTINIJA PRELASKOM NA ZIMSKO RAČUNANJE VREMENA



Prelaskom na zimsko računanje vremena, u noći sa 26. na 27. oktobar, dolazi i do promjene u primjeni viših i nižih dnevnih tarifnih stavova (period kada je tzv. jeftinija i skuplja električna energija), saopćeno je iz Javnog preduzeća (JP) Elektroprivreda BiH.

Za domaćinstva koja posjeduju dvotarifna brojila, električna energija utrošena radnim danima i subotom u periodima od 13.00 do 16.00 sati i od 22.00 do 7.00 sati, obračunavaće se prema nižoj tarifi (NT).

Za domaćinstva koja posjeduju dvotarifna brojila, električna

Nedjeljom se za ovu kategoriju potrošnje niža tarifa primjenjuje cijeli dan.

Za ostale kupce JP Elektroprivreda BiH (kupci koji električnu energiju preuzimaju na 110 kV naponu i više, kupci koji električnu energiju preuzimaju na 35 i 10 (20) kV naponu, te ostala potrošnja na 0,4 kV naponu i javna rasvjeta na 0,4 kV naponu), električna energija utrošena radnim danima u periodu od 22.00 do 7.00 sati obračunavaće se prema nižoj tarifi (NT).

Za ovu kategoriju potrošnje niža tarifa se primjenjuje subotom i nedjeljom cijeli dan.

Cijena električne energije za domaćinstva koja imaju jednotarifna brojila iznosi 12,82 feninga/kWh.

Za dvotarifna brojila cijena više tarife iznosi 16,02 feninga/kWh, a cijena niže tarife 8,01 feninga/kWh.

U saopćenju podsjećaju da je, prema tarifnim stavovima koje je donijela Regulatorna komisija za energiju u FBiH (FERK) i koji se primjenjuju od 1. jula 2011. godine, cijena električne energije ista tokom cijele godine.

OSLOBODENJE

Objavljeno 30.10.2013.

Elektroprivreda BiH i EBRD potpisali Sporazum o zajmu od 35 miliona eura

Generalni direktor Elektroprivrede BiH Elvedin Grabovica i direktor Ureda Evropske banke za obnovu i razvoj (EBRD) u BiH Libor Krkoska potpisali su danas, u sjedištu Vlade FBiH, Sporazum o zajmu za realizaciju Projekta izgradnje HE "Vranduk" te proširenje kapaciteta HE "Una Kostela".



Riječ je o aranžmanu od 35 miliona eura s rokom otplate od 12 godina, uz grace period od dvije godine.

"Ovo je prvi kooperativni kredit koji je Elektroprivredi BiH odobren bez posredovanja države i državnih garancija, a što je još jedan u nizu potvrda dobrog poslovanja ovog preduzeća", kazao je nakon potpisivanja Sporazuma generalni direktor Elektroprivrede BiH Elvedin Grabovica.

Istakao je da će od odobrenog iznosa za HE "Vranduk" biti utošeno 26 miliona eura, a ostatak za proširenje kapaciteta HE "Una Kostela".

"Kada je riječ o izgradnji HE 'Vranduk', već početkom sljedeće godine bit će raspisan tender za odabir firmi, a početak radova očekujemo početkom sljedeće građevinske sezone", kazao je Grabovica.

HE "Vranduk" je planirana kao protočno postrojenje derivacionog tipa s više objekata koji će funkcionalno predstavljati cjelinu. Ukupna snaga ove hidroelektrane iznositi će 19,63 MW, a godišnja proizvodnja dostizati će 96,38 GWh.

Kada je u pitanju "Una Kostela", rekonstrukcijom pojedinih dijelova kapacitet ove hidroelektrane koji iznosi 50,664 GWh bit će povećan za 21,422 GWh.

Zadovoljstvo potpisanim Sporazumom izrazio je i direktor Ureda EBRD-a u BiH Libor Krkoska.

"Mi imamo odličnu suradnju s Elektroprivredom BiH, ali i Vladom FBiH. Ovaj Sporazum je dokaz toga, ali i veoma važan i značajan projekt za BiH", istakao je.

Potpisivanju Sporazuma prisustvovao je i premijer FBiH Nermin Nikšić.

OSLOBODENJE

Objavljeno: 10.11.2013. | PIŠE: **Alema PENDEK**

NOVI PROJEKTI ELEKTROPRIVREDE BiH: IZGRADNJA HE JANJICI 2015.

Federalna Vlada podržala je inicijativu da kreditnim zaduženjem kod Kreditanstalt für Wiederaufbau (KfW) iz Frankfurta bude osigurano 30 miliona eura za realizaciju projekta izgradnje HE Janjici.



Instalisana snaga HE Janjici je 13,3 MW, a moguća ukupna godišnja proizvodnja 68,25 Gwh, rečeno nam je u Elektroprivredi BiH.

Čista energija

HE Janjici će se graditi na rijeci Bosni na teritoriji koji pripada općini Zenica, i kako kažu u Elektroprivredi BiH, ova hidroelektrana spada u kategoriju hidroelektrana sa niskom branom, sa manjim zahvatom u prostoru i malom akumulacijom koja se formira u samom koritu rijeke.

"Električna energija proizvedena u ovoj kategoriji objekata ima karakter čiste energije, a osim toga što će se iskoristiti dio hidroenergetskog potencijala rijeke Bosne i dobiti novi izvor električne energije u BiH korištenjem obnovljivih energetske resursa, na ovaj način će se dati doprinos ukupnom smanjenju emisije CO2 i ostalih zagađujućih materija", kazali su nam u Elektroprivredi BiH, u kojoj su istakli kako izgradnja ovog objekta predstavlja ispunjenje zahtjeva iz ugovora o uspostavi Energetske zajednice jugoistočne Evrope, kojim su se zemlje potpisnice obavezale da implementiraju regulative EU u energetske sektoru, te povećaju proizvodnju električne energije iz obnovljivih izvora.

JP Elektroprivreda BiH radi na pripremi projektne dokumentacije za ovu hidroelektranu, a do sada je urađena studija izvodljivosti i prethodna procjena uticaja na okoliš, slijedi izbor izvođača za izradu idejnog projekta, studije utjecaja na okoliš i studije nultog stanja faune.

Socijalni efekti

"Odobranje kredita očekujemo do polovine 2014, a odobravanjem kredita zatvorit će se

finansijska konstrukcija za izgradnju HE Janjići, koju pored kreditnog zaduženja čine i vlastita sredstva JP Elektroprivreda BiH. Ukoliko sve bude završeno na vrijeme, očekujemo da bi izgradnja HE Janjići trebalo da počne 2015. godine", rečeno nam je u Elektroprivredi BiH.

U EPBiH ističu kako će se izgradnjom objekta poput HE Janjići postići i pozitivni socijalni efekti, jer je procjena da će na izgradnji objekta direktno biti angažovano nekoliko stotina ljudi, a indirektno mnogo više.

- Također, lokalna zajednica će kroz naplatu dijela koncesione naknade i ostalih naknada dobiti redovan izvor prihoda za unapređenje vlastite infrastrukture. Svakako, izgradnja ovog objekta će donekle popraviti nepovoljan odnos hidro i termo-kapaciteta u proizvodnom portfoliju Elektroprivrede BiH, istaknuto je u EPBiH.

OSLOBODENJE

Objavljeno: 14.11.2013.

ELEKTROPRIVREDA BiH PRODAJE 1.260 GWh VIŠKA ELEKTRIČNE ENERGIJE ZA 77 MILIONA DOLARA

Elektroprivreda BiH (EPBiH) izabrala je sedam kompanija kojima će prodati 1.260 gigavat sati (GWh) od viška električne energije za 2014. godinu, za 57,3 miliona eura (77 miliona dolara), rekao je u srijedu predstavnik EPBiH.



Cijena je manja za skoro 19 posto od prošlogodišnje prodaje 1.500 GWh viška električne energije zbog dugotrajne ekonomske krize, rekao je predsjednik Nadzornog odbora EPBiH Enver Agić.

Agić je rekao da su među kupcima EP HZHB, lokalni ogranci kompanije za trgovinu i investicije Energy Financing Team (EFT), kojima je sjedište u Londonu, i investiciona grupa sa sjedištem u Švicarskoj - Repower and

Axpo Trading, prenio je Reuters.

- Prosječna cijena za jedan megavat sat električne energije je 45,50 eura - precizirao je Agić, dodajući da će biti mjesečne i kvartalne prodaje ostatka električne energije kompanije.

EPBiH, najveća od tri bosanske kompanije, upravlja sa dvije termoelektrane i tri hidroelektrane - 1.165 MW (termoelektrane) i 517 MW (hidroelektrane).

Bosna i Hercegovina 40 posto svoje električne energije dobija iz hidroelektrana, dok ostatak dolazi iz termoelektrana.

Za razliku od svojih balkanskih susjeda, koji se oslanjaju na uvoz kako bi pokrili potrebe za električnom energijom, BiH može izvoziti struju zbog velikog hidropotencijala.

Objavljeno: 03.12.2013.

NOVE INVESTICIJE EPBIH VRIJEDNE 2,5 MILIJUNA KM



SARAJEVO – Dvije nove investicije poduzeća Elektroprivrede BiH, u okviru dokapitalizacije rudnika, vrijedne su 2,5 milijuna maraka. Riječ je o nabavi dva stroja za izradu jamskih prostorija u rudnicima mrkog ugljena “Kreka” i “Breza”, a za koje su jučer potpisani ugovori u Direkciji u Sarajevu.

Ugovore o nabavi potpisali su v. d. direktora RMU “Kakanj” Mirsad Jašarspahić, direktor RMU “Breza” Suad Ćosić te u ime kompanije REMAG S.A. Katowice iz Poljske, komercijalni direktor Tadeusz Kopiec.

Sigurnost rada

Ovim povodom su Jašarspahić i Ćosić naglasili kako ovakvi suvremeni strojevi trebaju olakšati i ubrzati otvaranje novih jamskih prostorija i doprinijeti unaprjeđenju sigurnosti rada u rudnicima.

- Ovakvi projekti daju nam za pravo sljedeće godine planirati s većim kapacitetima i planovima koje ćemo izvršiti u skladu s obvezama koje smo preuzeli iz trogodišnjih planova, rekao je Ćosić. Kako je jučer istaknuto, strojevi bi se trebali pustiti u pogon za 150 dana.
- Dodatnu vrijednost ugovorima predstavlja prijateljstvo koje se razvija između rudara iz BiH i Poljske, podvukao je Kopiec.

Investicijska 2014.

Potpisivanju ugovora nazočili su i generalni direktor EPBiH Elvedin Grabovica i izvršni direktor za proizvodnju Senad Sarajlić. Grabovica je ovom prilikom naglasio kako je u rudnike investirano oko 100 milijuna maraka te da ugovori predstavljaju još jedan korak u procesu nabave novih strojeva koje EPBiH čini kako bi, prije svega, omogućio rudarima sigurniji i humaniji rad, ali i povećanje produktivnosti i ostvarenje preduvjeta i očekivanja koje EPBiH, kao vladajuće društvo u Koncernu, postavlja pred menadžment rudnika kako bi oni do 2015. počeli pozitivno poslovati, što dosad nije bio slučaj.

- Pored ovih 115 milijuna maraka koliko smo investirali, dodatnih 70 milijuna je u proceduri i mislim da ćemo do kraja sljedeće godine ukupno uspjeti investirati 204 milijuna maraka, koliko imamo obveza iz dokapitalizacije prema rudnicima i da će to ustvari biti još jedan poslovni uspjeh, istaknuo je Grabovica. Njegovo je mišljenje da će usporedo s proizvodnjom, izgradnjom novih blokova, kao što je blok 7 Termoelektrane Tuzla, hidrocentrala Vranduk i Vjetropark Podveležje, osigurati stabilnu sirovinsku bazu, bolje uvjete rada i da će i 2014. biti investicijska za cijeli Koncern EPBiH. U procesu dokapitalizacije Elektroprivreda BiH će u RMU "Kakanj" investirati 66,9 milijuna maraka, a u "Brezu" 32,5 milijuna maraka.

OSLOBODENJE

Objavljeno: 12.12.2013.

ELEKTROPRIVREDA BIH OD EVROPSKOG SUDA ZATRAŽILA ZAŠTITU PRAVA VLASNIŠTVA NA NEKRETNINAMA U HRVATSKOJ

Javno poduzeće Elektroprivreda BiH d.d. – Sarajevo podnijela je Evropskom sudu za ljudska prava u Strazburu šest predstavki kojima je zatražila zaštitu prava vlasništva na nekretninama u Republici Hrvatskoj.



Predstavke se odnose na nekretnine (objekte i zemljišta) koje JP Elektroprivreda BiH posjeduje u Sutivanu, Gradcu, Makarskoj, Biogradu na Moru, Lukoranu i Baškoj Vodi.

Pravni tim JP Elektroprivreda BiH prethodno je iscrpio sva pravna sredstva s ciljem zaštite imovine i imovinskih prava u okviru pravosudnog sistema Republike Hrvatske.

Ključna prepreka pozitivnom rješavanju zahtjeva Elektroprivrede BiH je Uredba o zabrani raspolaganja nekretninama na teritoriji Republike Hrvatske i Zakon o zabrani raspolaganja i preuzimanju sredstava određenih pravnih osoba na teritoriji Republike Hrvatske.

Donošenjem Uredbe o zabrani raspolaganja nekretninama na teritoriji Republike Hrvatske stvoreni su komplikovani mehanizmi koji onemogućavaju efikasnu zaštitu imovine pravnih lica iz zemalja nastalih raspadom SFRJ.

U predstavkama podnesenim 29. novembra Evropskom sudu za ljudska prava, Elektroprivreda BiH je istakla da su odnosom upravnih i sudskih organa Republike Hrvatske naspram njenih imovinskih prava na nekretninama povrijeđene odredbe Evropske konvencije o zaštiti ljudskih prava i osnovnih sloboda, pravo na pravično i javno suđenje, pravo na imovinu i pravo na djelotvoran pravni lijek.

Elektroprivreda BiH, kako navode u saopćenju iz tog poduzeća, očekuje da će Evropski sud za ljudska prava u Strazburu obavezati Republiku Hrvatsku da uskladi svoje pravne propise sa Evropskom konvencijom i da će joj biti omogućen pristup nadležnim organima Republike Hrvatske radi zaštite njenih prava na imovinu, vraćanje u posjed oduzetih nekretnina i ostvarivanje vlasničkih prava, te je zatražena i odgovarajuća naknada na ime nematerijalne štete.

Objavljeno: 19.12.2013.

Izgradnja Vjetroparka "Podveležje"

KfW ODOBRILO ELEKTROPRIVREDI BIH 65 MILIONA EURA KREDITA



Njemačka razvojna banka (Kreditanstalt für Wiederaufbau - KfW) odobrila je JP Elektroprivreda BiH kredit za finansiranje izgradnje Vjetroparka "Podveležje", u iznosu 65 miliona eura unutar okvira razvojne saradnje između SR Njemačke i BiH.

Rok otplate kredita je 15 godina, uključujući i tri godine grace perioda.

Ukupni troškovi izgradnje Vjetroparka „Podveležje“ procijenjeni su na 71,80 miliona eura, saopćeno je iz Služba za komunikacije JP Elektroprivreda BiH.

Uz kredit KfW-a, izgradnja će biti finansirana i sa 6,8 miliona eura vlastitih sredstva JP Elektroprivreda BiH.

Kredit je zaključen između KfW-a i Bosne i Hercegovine koju predstavlja Ministarstvo finansija i trezora, te Federacije BiH koju predstavlja Ministarstvo finansija FBiH i JP Elektroprivreda BiH, kao krajnjeg korisnika.

U skladu sa Zakonom o postupku zaključivanja i izvršavanja međunarodnih ugovora, Ugovor o kreditu su odobrili Parlament Federacije BiH, Predsjedništvo BiH, a ratifikovaće ga i Parlamentarna skupština BiH.

S ciljem intenziviranja projekta, Vlada SR Njemačke je putem KfW-a u prethodnom periodu JP Elektroprivreda BiH odobrila i grant sredstva za izradu Studije nultog stanja ptica i šišmiša za područje projektne lokacije Vjetroparka „Podveležje“.

Izgradnja Vjetroparka "Podveležje" sa 16 vjetroagregata ukupne snage do 48 MW i mogućom godišnjom proizvodnjom električne energije do 100 GWh, planirana je na platou Podveležja na mikrolokacijama Mali Grad i Svetigora, na oko 760 metara nadmorske visine.

Za ovaj projekat JP Elektroprivreda BiH je dobila koncesiju na 30 godina.

Vjetropark „Podveležje“ prepoznat je kao jedan od projekata koji daju potporu očuvanju životne sredine i energetske efikasnosti i među strateškim je ciljevima JP Elektroprivreda BiH.

NEZAVISNE novine

Objavljeno: 20.12.2013. Piše: Almedin Šišić

ZA PREVOZ UGLJA 24,3 MILIONA KM



SARAJEVO - "Elektroprivreda BiH" (EP BiH) je sklopila jednogodišnji ugovor s Javnim preduzećem "Željeznice FBiH" za prevoz uglja iz termoelektrana Kakanj i Tuzla, za koji će platiti cijelih 24,3 miliona KM, saznaju "Nezavisne".

Ugovor je stupio na snagu 1. novembra, od kada teče jednogodišnji angažman "Željeznica FBiH", inače, preduzeća koje je, za razliku od iznimno profitabilne EP BiH, u takvoj dubiozi da su dugovi ove kompanije zaključno sa krajem 2011. iznosili nevjerovatnih 1,8 milijardi KM!

Kako saznajemo, kroz sistem javne nabavke proveden je direktan pregovarački postupak, bez objavljivanja obavještenja o nabavci. U obrazloženju je navedeno da je to "zbog suštinskih, tehnički dokazivnih razloga, jer su prijem i istresanje uglja u TE Tuzla i TE Kakanj u tehničko-tehnološkom smislu prilagođeni željezničkim vagonima".

Drugim riječima, iako bi prevoz ove rude kamionima bio kudikamo jeftiniji, ponovo je, kao i prethodnih godina, odlučeno da budu angažirane "Željeznice FBiH", koje u ovakvim i sličnim postupcima imaju svojevrstni monopol.

Elvedin Grabovica, direktor EP BiH, pojašnjava da je u pitanju "kompletan proces prevoza iz Tuzlanskog bazena i Kaknja, specijalnim vagonima".

"Mi smo tu cijenu pokušavali sniziti prošle godine, ali oni imaju svoje tarife pod kojima to obračunavaju. Pokušavali smo da pregovorima spustimo cijenu i nešto malo smo uspjeli. Ali faktički smo uslovljeni, bili smo i u konfliktu s njima", kaže Grabovica. On priznaje da bi prevoz kamionima značio uštede, ali da je to praktično teško izvodivo.

"Svi prilazi u Kaknju i Tuzli su nam bazirani na šinama", ističe Grabovica.

Sa druge strane, u "Željeznicama FBiH" nisu konkretno odgovorili niti na jedno postavljeno pitanje. Između ostalog, pitali smo ih po kakvim kriterijima jednogodišnji prevoz rude košta astronomskih 24,3 miliona KM, na šta će ova sredstva biti utrošena?

"Radi se o redovnim godišnjim ugovorima između dvije kompanije, koje su strateški partneri. Ugovori između JP EP BiH i 'Željeznica FBiH' sklopljeni su u skladu sa svim zakonskim procedurama, a jedinična cijena i uslovi prevoza definišu se u skladu sa važećim tarifskim propisima i odlukama koje donosi Nadzorni odbor JP ŽFBiH", odgovorili su iz ove kompanije.

Grabovica: Pomažemo slabija preduzeća

Elvedin Grabovica, direktor "Elektroprivrede BiH", ističe da uvijek nastoji "da jača državna preduzeća pomažu slabija", podsjetivši na neka ranija ulaganja u velike projekte i pomoć drugim kompanijama.

"Prvi sam, na primjer, direktor koji je dozvolio da naši računi budu raznošeni poštom i to je da 'BH Pošta' može da preživi", kaže Grabovica.

OSLOBODENJE

Objavljeno: 21.12.2013.

RUDARI U BIH OBILJEŽAVAJU SVOJ DAN SA ŽELJOM DA IMAJU JOŠ BOLJE UVJETE RADA I VIŠI ŽIVOTNI STANDARD

Upravni odbor Samostalnog sindikata radnika rudnika Federacije BiH danas je svečanom sjednicom u Sarajevu obilježio 21. decembar, Dan rudara, kojoj su, uz predstavnike rudara, prisustvovali federalni premijer Nermin Nikšić, direktor Elektroprivrede BiH Elvedin Grabovica i predsjednik Saveza samostalnih sindikata BiH Ismet Bajramović.



Uz iskrene čestitke rudarima za predan rad i odgovornost prema obavezama, premijer Nikšić je istaknuo da osjeća posebno zadovoljstvo svaki put kada je među rudarima te nadu da je u dosadašnjem poslu „makar malo doprinio da položaj, uvjeti rada i primanja rudara budu bolji“.

- Očekujem da takav posao nastave i čelni ljudi resornog ministarstva i "Elektroprivrede". Naš cilj je da svi rudnici, u što kraćem periodu, postanu samoodrživi, da se uvjeti rada u rudnicima podignu na najviši mogući nivo, te da se plaće i primanja rudara, prije svega onih koji silaze u jamu, povećaju i što je moguće više usklade sa radnicima "Elektroprivrede". Rudari to zaslužuju, a mi smo dužni da se trudimo da to i osiguramo - kazao je premijer Nikšić.

Direktor Elektroprivrede BiH Elvedin Grabovica istaknuo je da je dosad postignutim rezultatima svakako doprinijela kvalitetna saradnja i podrška premijera Nikšića upravama "Elektroprivrede" i Koncerna i dobra komunikacije s resornim ministarstvom.

- Siguran sam da ćemo narednim intenziviranjem naših razgovora i sa sindikatima i sa menadžmentom rudnika uspjeti doći do našeg cilja, a to je još više podizanje životnog standarda i uvjeta rada rudara i pozitivno poslovanje rudnika - kazao je.

Kao najbitnije istaknuo je činjenicu „da rudnici nisu prepušteni sami sebi i da imaju tu neku „kapu“, Elektroprivredu i odličan odnos sa Vladom FBiH, koja razumije sve potrebe."

- Nadam se da ćemo zajednički uspjeti pokrenuti nove investicije i zaokružiti postojeće investicije u rudnike - kazao je.

Današnji dan rudari su obilježili svečano dodjelom priznanja i plaketa zaslužnima, ali i ukazali na to čime su zadovoljni, na ono što ih zabrinjava, te na ono čime nisu u potpunosti zadovoljni.

Predsjednik Samostalnog sindikata radnika rudnika Federacije BiH Sinan Husić kaže da ono čime rudari u potpunosti nisu zadovoljni je cijena uglja koji se iz rudnika isporučuje prema Elektroprivredi.

- Nikad nećemo bilo kome dozvoliti da između nas i uposlenih u Elektroprivredi svori jaz, niti ćemo tražiti nešto što će ugroziti životni standard uposlenih u Elektroprivredi. Kad govorimo o zahtjevu uprava rudnika za, u određenoj mjeri, korekciju cijena uglja, govorimo to jer želimo da zadržimo sigurnim materijalna primanja radnika, da stvaramo humanije uvjete rada u rudnicima iz ličnih sredstava, i želimo životni standard zaposlenih u rudniku, prvenstveno onih u neposrednoj proizvodnji, podizati na niži nivo, u realno mogućoj mjeri - kazao je.

Današnji datum za Dan rudara u BiH proglašen je u znak sjećanja na opći štrajk rudara 1920. godine do kojeg je došlo zbog opće eksploatacije rudnika i njihovog lošeg položaja. Štrajkovali su rudari nekoliko rudnika, a zahtijevali su bolje uvjete rada i bolje plaće. Tradicionalni rudarski pozdrav je "sretno".

Predsjednik Samostalnog sindikata radnika rudnika Federacije BiH Sinan Husić kazao je danas novinarima da, u odnosu na mnoge, ovdašnji rudari imaju redovna primanja. Precizirao je da prosječna mjesečna primanja uposlenih u rudnicima uglja u FBiH, računajući naknadu za topli obrok, kreću se od 1.300 do 1.500 KM.

- Danas rudar živi mnogo bolje od tog rudara iz 1920., ali je također svjestan da u ovoj državi, bez obzira na sve, zaslužuje više od toga što ima - kazao je.

OSLOBODENJE

Objavljeno: 22.12.2013. | PIŠE: **Jakub SALKIĆ**

HIDEO YAMAZAKI, AMBASADOR JAPANA U BIH: AKO DOĐE JEDNA VELIKA KOMPANIJA, OSTALE DOLAZE U JATU

Nažalost, aktuelni sukobi među političkim vođama u BiH, čak i ako su samo puka politička retorika, plaše i udaljavaju potencijalne japanske investitore, kaže u intervjuu za Oslobodjenje Hideo Yamazaki, ambasador Japana u BiH.



• Japan je zaista mnogo pomagao u obnovi BiH proteklih godina, no, zanimljivo je da japanske kompanije do sada nisu imale mnogo interesa za ulaganje u BiH. Koji su razlozi za to?

- Glavni razlog zašto japanske kompanije još nisu pokazale veći interes za ulaganje u BiH je vrlo jednostavan i povezan je s predodžbom koju japanski poslovni ljudi imaju o BiH. U njihovim očima, BiH je ratom razjedinjena zemlja sa visokim

rizikom za investitore. Oni su zabrinuti zbog mogućnosti podjele zemlje i političke nestabilnosti, ali ja ne vidim dovoljno napora koje bi učinili politički lideri ove zemlje da poboljšaju tu postojeću negativnu predodžbu. Nažalost, aktuelni sukobi među političkim vođama u BiH, čak i ako su samo puka politička retorika, plaše i udaljavaju potencijalne japanske investitore. Ipak, kompleksna državna struktura, nepostojanje jedinstvenog ekonomskog prostora, dugotrajne pravne procedure za započinjanje poslova sprečavaju pritjecanje japanskih investicija.

Prvi utisak

• Ono što je medijima poznato je da japanska kompanija Sankyo u Banjoj Luci otvara

svoj pogon, Toyota je izrazila interes za najam zemljišta u Agrokomercu, a Hitachi je u užem izboru za izvođača radova za Blok 7 TE Tuzla, znači li to da se ubuduće ipak može računati na investicije kompanija iz Japana?

- Postoje mnogi aspekti putem kojih japanske kompanije mogu doprinijeti razvoju bh. ekonomije i ja pozdravljam pokazani interes kompanija Sankyo i Hitachi. Mnoge dobro poznate kompanije iz Japana, kao što je Toyota, Suzuki, Sony i Panasonic su započele proizvodnju u susjednim zemljama. Vjerujem da postoji veliki potencijal za japanske kompanije koje proizvode komponente i dijelove za ove velike kompanije da otvore proizvodne kapacitete u BiH, koristeći obrazovanu radnu snagu i relativno niske troškove rada. Sankyo, koji proizvodi različite tipove preciznih mehaničkih djelova za japansku auto industriju je pravi primjer takve kompanije i nadam se da će uspjeti u BiH.

Kao što mnogi kažu, prvi utisak je najbitniji. Dakle, ključ za privlačenje novih investicija je u tome u kojoj mjeri će biti uspješne kompanije koje su sada tu. Glavna karakteristika japanskih investicija je ta da kada jedna velika kompanija investira u neku zemlju, ostale kompanije je slijede, kao što je bilo slučaj sa Českom, Mađarskom, Poljskom i Slovačkom u devedesetim, te Bugarskom i Rumunijom u prošlom desetljeću, gdje su stotine japanskih kompanija stvorile svoje „jato“, nakon što su velike japanske firme otvorile svoje proizvodne baze u tim državama.

• Da li su još neki investitori iz Japana kontaktirali Ambasadu kako bi se informisali o mogućim poslovnim kontaktima sa BiH?

- Primamo određen broj upita japanskih kompanija koje su zainteresirane za investiranje u BiH i broj tih zahtjeva se povećava zadnjih godina. Ipak, taj broj je još mali i još ne postoje konkretni projekti koji su dosad realizirani. U tom smislu, uspjeh Hitachi kompanije u izgradnji Bloka 7 TE Tuzla bi mogao imati potencijal da postane katalizator za nova japanska ulaganja putem stvaranja pozitivnog imidža BiH drugim japanskim kompanijama.

Čista energija

• Kada ste u prilici da biznismenima iz Japana predstavite BiH, koje su to ključne informacije koje im prenesete?

- BiH ima velike potencijale u različitim sektorima, kao što je energetska, proizvodnja auto dijelova, prerada drveta i turizam, koji su zasad nedovoljno iskorišteni. Posebno u slučaju energetskog sektora, postoji ogroman potencijal za investiranje japanskih kompanija i ulazak na bh. tržište. BiH je u procesu usklađivanja domaćeg zakonskog okvira, kako bi ispunila uvjete koje postavlja EU, uključujući one iz oblasti zaštite okoliša. Jasno mi je da s ciljem zadovoljavanja povećanih energetskih potreba u BiH i susjednim zemljama, BiH planira graditi nove termoelektrane u narednim godinama, ali ove elektrane moraju zadovoljavati najviše standarde zaštite okoliša, koje propisuje EU. To je područje gdje se potrebe BiH i potencijali japanskih kompanija mogu podudariti. Japanske firme su globalni lideri u tehnologijama zaštite okoliša za termoelektrane koje se zovu „čista tehnologija za uglj“. S japanskim tehnologijama BiH može iskoristiti svoje bogate zalihe uglja u energetskom sektoru i poboljšati njegov razvoj, bez zagađivanja okoliša.

• Mogu li tačni, odgovorni, vrijedni Japanci naći zajednički jezik u biznisu sa neodgovornim, nezainteresovanim, nemarnim Bosancima? Diplomatski rečeno, koliko

su kulturološke razlike prepreka ili prilika za poslovno povezivanje?

- Ja ne mislim da su ljudi u BiH neodgovorni, nezainteresovani i nemarni. Baš suprotno, ja vjerujem da su ljudi ovdje vrijedni i da imaju kapacitete. Imao sam mnogo prilika da posjetim uspješne BiH kompanije, koje izvoze svoje proizvode u razvijene zemlje, i, vjerovali ili ne, bio sam impresioniran sličnošću radne etike ljudi u Japanu i BiH. Ako se ljudima u BiH da šansa, ja vjerujem da mogu postići puno toga. Kad razgovaram s japanskim biznismenima koji dolaze u BiH, svi su impresionirani profesionalizmom njihovih partnera u BiH.

Također, uvijek govorim japanskim biznismenima da BiH nije zemlja u razvoju, kao što mnogo ljudi misli. Iako je teško naslijeđe iz 90-ih godina koje je imalo katastrofalne posljedice na bh. ekonomiju, BiH je imala veoma uspješne firme u sektorima proizvodnje, građevine i inženjerske struke. Na primjer, mnogi ljudi izvan BiH ne znaju da su se firme kao Energoinvest natjecale sa uvaženim japanskim i evropskim kompanijama i često pobjeđivale na tenderima. Čvrsto vjerujem da ako japanske i bh. kompanije uspiju uspostaviti suradnju, to će voditi ka revitalizaciji bh. kompanija putem prenosa japanskih naprednih tehnologija i specifičnih znanja i iskustava.

OSLOBODENJE

Objavljeno: 25.12.2013.

RUKOVODSTVO ELEKTROPRIVREDE POSJETILO RUDNIKE BREZA I KAKANJ

- Povodom obilježavanja Dana rudara, generalni direktor JP Elektroprivreda BiH Elvedin Grabovica i članovi Uprave posjetili su danas rudnike mrkog uglja Breza i Kakanj.



Grabovica je tom prilikom izjavio da rukovodstvo JP Elektroprivreda BiH redovno obilazi rudnike za Dan rudara te sumira rezultate poslovanja tokom godine i analizira planove za narednu.

- Također, to je prilika da direktno zaželimo rudarsku sreću, kako samim rudarima tako i rukovodstvu rudnika - istakao je Grabovica.

Dodao je da je izuzetno zadovoljan realiziranim investicijama u rudnike budući da je Elektroprivreda BiH investirala više od 115 miliona KM tokom 2013, najviše u dokapitalizaciju i modernizaciju opreme.

- Time su stvorene pretpostavke za bolju produktivnost i bolje poslovne rezultate rudnika kao i za sigurnije i bolje uvjete rada rudara. Zato na ovaj praznik imamo razloga za slavlje i možemo s optimizmom ući u narednu godinu u kojoj bi u rudnike trebali investirati dodatnih oko 70 miliona KM - rekao je Grabovica.

Direktor RMU Kakanj Mirsad Jašarspahić naglasio je da se ovogodišnje investicije u rudnik mogu nazvati historijskim s obzirom da je otvorena nova jama nakon više od 50 godina.

- Osim toga, u toku su radovi na tunelu Ribnica koji je strateški projekt za površinski kop Vrtlište, za čime postoji potreba već 30 godina i sada smo zajedno s Elektroprivredom BiH pronašli model po kojem će projekt biti realiziran - pojasnio je Jašarspahić.

U procesu dokapitalizacije RMU Breza Elektroprivreda BiH će investirati ukupno 32,5

miliona KM, a vrijednost ugovorenih i najvećim dijelom realiziranih investicija iznosi 24 miliona KM.

Preostala ulaganja predviđena su za rekonstrukciju glavne trafostanice, izradu glavnog vodosabirnika, sanaciju jamskih prostorija, te za nabavu utovarivača i ostale rudarske opreme.